

No. 663 [Nos. 664, 665]

金光明經序

真定府十方洪濟禪院住持傳法慈覺大師宗頤述

夫靈心絕待。泯萬物而獨存。妙行難思。諸緣普現。則實際理地。雖不受於一毫。而事相門中。不捨於一法。故如來出世。說金光明經。依清淨心。建解脫行。顯出塵之經卷。永廓迷情。示伏藏之寶王。頓圓大用。夫以信相為起教之人。則菩薩無滯空之行。於堅牢有贊空之頌。則法身非有相之求。性相該通。有無互建則一經之要義在於斯。至於明諸佛法性之源。探如來壽量之本。金光普照。發揚一切智門。金鼓騰聲。顯示無邊妙用。則菩薩發行之源也。懺除罪障。本如夢之法門。讚歎如來。舉修行之妙果。摩訶薩埵之飼虎。能捨能行。長者流水之濟魚。有始有卒。則菩薩依真之行也。譬之明月當天。影沈眾水。真金作器。體應萬形。主伴圓融。一多自在。能於一法。受一切法。則信如來之祕藏。實為三界之寶乘。莊嚴性海之門。趣向覺王之本。是以十千天子。聞而頓證於菩提。一切眾生。入者皆同於甘露。則見聞隨喜。讀誦受持。於一念具了無上法門者。豈小緣哉。凡我同儔。勉思佛意。元豐四年三月十五日序

金光明經卷第一

[原文：北涼三藏法師曇無讖譯，依藏譯和英譯本而有所增減]

金光明經序品第一

如是我聞。一時佛住王舍大城耆闍崛山。是時如來遊於無量甚深法性諸佛行處。過諸菩薩所行清淨

| | | | |
|------|------------------|------|------|
| 是金光明 | 諸經之王 | 若有聞者 | |
| 則能思惟 | 無上微妙 | 甚深之義 | |
| 如是經典 | 常為四方 | 四佛世尊 | |
| 之所護持 | 東方阿[門@(人/(人*人))] | | 南方寶相 |
| 西無量壽 | 北微妙聲 | 我今當說 | |
| 懺悔等法 | 所生功德 | 為無有上 | |
| 能壞諸苦 | 盡不善業 | 一切種智 | |
| 而為根本 | 無量功德 | 之所莊嚴 | |
| 滅除諸苦 | 與無量樂 | 諸根不具 | |
| 壽命損減 | 貧窮困苦 | 諸天捨離 | |
| 親厚鬥訟 | 王法所加 | 各各忿爭 | |
| 財物損耗 | 愁憂恐怖 | 惡星災異 | |
| 眾邪蠱道 | 變怪相續 | 臥見惡夢 | |
| 晝則愁惱 | 當淨洗浴 | 聽是經典 | |

| | | |
|------|------|------|
| 至心清淨 | 著淨絜衣 | 專聽諸佛 |
| 甚深行處 | 是經威德 | 能悉消除 |
| 如是諸惡 | 令其寂滅 | 護世四王 |
| 將諸官屬 | 并及無量 | 夜叉之眾 |
| 悉來擁護 | 持是經者 | 大辯天神 |
| 尼連河神 | 鬼子母神 | 地神堅牢 |
| 大梵尊天 | 三十三天 | 大神龍王 |
| 緊那羅王 | 迦樓羅王 | 阿修羅王 |
| 與其眷屬 | 悉共至彼 | 擁護是人 |
| 晝夜不離 | 我今所說 | 諸佛世尊 |
| 甚深祕密 | 微妙行處 | 億百千劫 |
| 甚難得值 | 若得聞經 | 若爲他說 |
| 若心隨喜 | 若設供養 | 如是之人 |
| 於無量劫 | 常爲諸天 | 八部所敬 |
| 如是修行 | 生功德者 | 得不思議 |
| 無量福聚 | 亦爲十方 | 諸佛世尊 |
| 深行菩薩 | 之所護持 | 著淨衣服 |
| 以上妙香 | 慈心供養 | 常不遠離 |
| 身意清淨 | 無諸垢穢 | 歡喜悅豫 |
| 深樂是典 | 若得聽聞 | 當知善得 |
| 人身人道 | 及以正命 | 若聞懺悔 |
| 執持在心 | 是上善根 | 諸佛所讚 |

金光明經壽量品第二

爾時王舍城中。有菩薩摩訶薩名曰信相。已曾供養過去無量億那由他百千諸佛。種諸善根。是信相菩薩作是思惟。何因何緣。釋迦如來壽命短促方八十年。復更念言。如佛所說有二因緣壽命得長。何等爲二。一者不殺。二者施食。而我世尊。於無量百千億那由他阿僧祇劫。修不殺戒具足十善。飲食惠施不可限量。乃至己身骨髓肉血。充足飽滿飢餓眾生。況餘飲食。大士如是至心念佛。思是義時其室自然廣博嚴事天紺琉璃種種眾寶。雜廁間錯以成其地。猶如如來所居淨土。有妙香氣過諸天香。煙雲垂布遍滿其室。其室四面。各有四寶上妙高座自然而出。純以天衣而爲敷具。是妙座上各有諸佛所受用華眾寶合成。於蓮華上有四如來。東方名阿[門@((人/(人*人)))]。南方名寶相。西方名無量壽。北方名微妙聲。是四如來自然而坐師子座上。放大光明照王舍城。及此三千大千世界。乃至十方恒河沙等諸佛世界。雨諸天華作天妓樂。爾時三千大千世界所有眾生。以佛神力受天快樂。諸根不具即得具足。舉要言之。一切世間所有利益。未曾有事悉具出現。

爾時信相菩薩。見是諸佛及希有事。歡喜踊躍恭敬合掌。向諸世尊至心念佛。作是思惟。釋迦如來無量功德。唯壽命中心生疑惑。云何如來壽命如是方八十年。爾時四佛。以正遍知告信相菩薩。善男子。汝今不應思量如來壽命短促。何以故。善男

子。我等不見諸天世人魔眾梵眾沙門婆羅門人及非人有能思算如來壽量知其齊限。唯除如來。時四如來。將欲宣暢釋迦文佛所得壽命。欲色界天。諸龍藥叉乾闥婆阿脩羅迦樓羅緊那羅摩[目*侯]羅伽。及無量百千億那由他菩薩摩訶薩。以佛神力悉來聚集信相菩薩摩訶薩室。爾時四佛。於大眾中略以偈喻說釋迦如來所得壽量。而作頌曰

| | | |
|------|------|------|
| 一切諸水 | 可知幾滴 | 無有能數 |
| 釋尊壽命 | 諸須彌山 | 可知斤兩 |
| 無有能量 | 釋尊壽命 | 一切大地 |
| 可知鹿數 | 無有能算 | 釋尊壽命 |
| 虛空分界 | 尙可盡邊 | 無有能計 |
| 釋尊壽命 | 不可計劫 | 億百千萬 |
| 佛壽如是 | 無量無邊 | 以是因緣 |
| 故說二緣 | 不害物命 | 施食無量 |
| 是故大士 | 壽不可計 | 無量無邊 |
| 亦無齊限 | 是故汝今 | 不應於佛 |
| 無量壽命 | 而生疑惑 | |

是時大會有婆羅門。姓憍陳如。名曰聖記。在於眾中諦心安坐。無量百千婆羅門眾。前後圍遶而共恭敬供養如來。聞佛世尊壽命八十應般涅槃涕淚悲泣。與於百千婆羅門眾。俱從坐起頂禮佛足白言。世尊。若佛如來憐愍利益一切眾生。大慈大悲欲令皆悉得大安樂。爲眾生作真實父母。最上無等及無等等。爲世間作歸依覆護。令諸眾生快樂清涼。如淨滿月作大光明。如日照於優陀延山。若佛世尊等觀眾生如羅[目*侯]羅。願佛爲我施一恩德。是時如來默然不答。於此會中有栗車毘國王童子。名曰一切眾生喜見。在大眾中具足辭辯善能問答。是時王子承佛神力。語婆羅門憍陳如言。大婆羅門。汝於世尊求何恩德。我能爲汝施如意恩。婆羅門言。善哉王子。我等願欲恭敬供養世尊之身。是故欲得如來舍利是芥子許。所以者何。如我所聞若善男子及善女人。恭敬供養如來舍利。六天帝主富貴安樂必得無窮。是時王子即便答言。大婆羅門。汝一心聽。若欲願求無量功德及六天報。此金光明諸經之王。難思難解福報無窮。聲聞緣覺所不能知。此經攝持如是功德。無邊福報不可思議。我今爲汝略說之耳。婆羅門言。善哉王子。如是金光明微妙經典功德無邊難解難覺。乃至如此不可思議。我等邊國婆羅門等作如此說。若善男子及善女人。得佛舍利如芥子許置小塔中。暫時禮拜恭敬供養功德無邊。是人命終作六天主。受上妙樂不可窮盡。汝今云何而不願樂供養舍利求此報耶。如是王子。以是因緣我今從佛欲求一恩

是時王子即以偈答婆羅門言

| | |
|-------|-------|
| 設河駛流中 | 可生拘物華 |
| 世尊身舍利 | 畢竟不可有 |
| 假使烏赤色 | 拘枳羅白形 |

| | |
|-------|-------|
| 世尊真實身 | 不可成舍利 |
| 設使閻浮樹 | 能生多羅果 |
| 佉受羅樹等 | 轉生菴羅實 |
| 如來身無滅 | 不可生舍利 |
| 設使龜毛等 | 可以為衣裳 |
| 佛身非虛妄 | 終無有舍利 |
| 假令蚊蚋腳 | 可以作城樓 |
| 如來寂靜身 | 無有舍利事 |
| 假令水蛭蟲 | 口中生白齒 |
| 如來解脫身 | 終無繫縛色 |
| 兔角為梯橙 | 從地得昇天 |
| 邪思惟舍利 | 功德無是處 |
| 鼠登兔角梯 | 蝕月除修羅 |
| 依舍利盡惑 | 解脫無是處 |
| 如蠅大醉酒 | 不能造窠穴 |
| 於佛無正行 | 不能至三乘 |
| 如驢但飽食 | 終無有伎能 |
| 歌舞令他樂 | 凡夫二乘等 |
| 能說及能行 | 自他無是處 |
| 假使烏與鷗 | 同時一樹栖 |
| 和合相愛念 | 如來真實體 |
| 舍利虛妄身 | 俱有無是處 |
| 如波羅奈葉 | 不能遮風雨 |
| 於佛起虛妄 | 生死終不滅 |
| 如海大舶船 | 具足諸財寶 |
| 新生女人力 | 執持無是處 |
| 法身無邊際 | 不淨地煩惱 |
| 不能攝如來 | 其義亦如是 |
| 譬如諸鳥雀 | 不能銜香山 |
| 煩惱依法身 | 不為煩惱動 |
| 如是如來身 | 甚深難思量 |
| 若不如法觀 | 所願不成就 |

時婆羅門聞此義已。即便說偈答王子言

| | | |
|------|------|------|
| 善哉善哉 | 汝真佛子 | 大吉祥人 |
| 善巧方便 | 於理不動 | 已獲正記 |
| 王子聽我 | 今次第說 | 度世依處 |
| 佛德難思 | 如來境界 | 無能知者 |
| 一切諸佛 | 不與他共 | 一切諸佛 |
| 本來寂靜 | 一切諸佛 | 所修行同 |

| | | |
|------|------|------|
| 一切諸佛 | 後際常住 | 一切諸佛 |
| 同共一體 | 如是等義 | 是如來法 |
| 如來真身 | 非所造作 | 所以者何 |
| 諸佛無生 | 金剛不毀 | 內外無礙 |
| 示現身相 | 隨化眾生 | 如來大仙 |
| 無有色像 | 如是身者 | 非於血肉 |
| 云何而得 | 有於舍利 | 爲化眾生 |
| 方便示現 | 一切正覺 | 真法爲身 |
| 法界清淨 | 是名如來 | 王子當知 |
| 佛身如是 | 如如來說 | 如是之義 |
| 我已聞知 | 爲請如來 | 廣演分別 |
| 真實之義 | 故求舍利 | 開方便門 |

是時會中三萬二千天子。聞說如來如是甚深壽量義已。一切皆於無上菩提。發堅固心歡喜踊躍。異口同音說偈讚言

| | | |
|------|------|------|
| 一切如來 | 不般涅槃 | 一切諸佛 |
| 身無破壞 | 但爲成熟 | 諸眾生故 |
| 方便勝智 | 示現涅槃 | 前際如來 |
| 不可思議 | 後際如來 | 常無破壞 |
| 中際如來 | 種種莊嚴 | 眾生法界 |
| 皆爲利他 | | |

爾時信相菩薩摩訶薩。聞是四佛宣說如來壽命無量。深心信解歡喜踊躍。說是如來壽量品時。無量無邊阿僧祇眾生。發阿耨多羅三藐三菩提心。時四如來忽然不現

金光明經懺悔品第三

爾時信相菩薩。即於其夜夢見金鼓。其狀殊大其明普照喻如日光。復於光中得見十方無量無邊諸佛世尊。眾寶樹下坐琉璃座。與無量百千眷屬圍繞而爲說法。見有一人似婆羅門。以杓擊鼓出大音聲。其聲演說懺悔偈頌。時信相菩薩。從夢寤已。至心憶念夢中所聞懺悔偈頌。過夜至旦出王舍城。爾時亦有無量無邊百千眾生。與菩薩俱往耆闍崛山至於佛所。至佛所已頂禮佛足右繞三匝。卻坐一面敬心合掌。瞻仰尊顏目不暫捨。以其夢中所見金鼓及懺悔偈。向如來說

| | | |
|------|------|------|
| 昨夜所夢 | 至心憶持 | 夢見金鼓 |
| 妙色晃耀 | 其光大盛 | 明踰於日 |
| 遍照十方 | 恒沙世界 | 又因此光 |
| 得見諸佛 | 眾寶樹下 | 坐琉璃座 |
| 無量大眾 | 圍繞說法 | 見婆羅門 |
| 擊是金鼓 | 其鼓音中 | 說如是偈 |
| 是大金鼓 | 所出妙音 | 悉能滅除 |

三世諸苦
貧窮困苦
微妙之音
斷眾怖畏
得無所畏
離於生死
所得功德
是鼓所出
梵音深遠
轉無上輪
不思議劫
能害煩惱
悉令寂滅
大火熾然
微妙音聲
亦令眾生
千萬億生
亦聞無上
所出妙音
遠離一切
白淨之業
隨其所思
所出之音
若有眾生
焚燒其身
當令是等
諸苦所切
如是金鼓
一切諸苦
我爲是等
今當證知
在在處處
兩足之尊
今者懺悔
及父母恩
自恃種姓
作諸惡行
隨心所作
無知闇覆
五欲因緣
故作眾惡

地獄餓鬼
及諸有苦
能除眾生
令得無懼
諸佛聖人
到大智岸
定及助道
如是妙音
證佛無上
微妙清淨
演說正法
消除諸苦
若有眾生
燒炙其身
所出言教
得知宿命
令心正念
微妙之言
復令眾生
諸惡業等
諸天世人
諸所願求
皆悉能令
墮大地獄
無有救護
悉滅諸苦
三惡道報
所出之音
無依無歸
作歸依處
久已於我
十方諸佛
我本所作
諸十力前
不解善法
及諸財寶
心念不善
不見其過
親近惡友
心生忿恚
親近非聖

畜生等苦
是鼓所出
諸惱所逼
猶如諸佛
所成功德
如是眾生
猶如大海
令眾生得
菩提勝果
住壽無量
利益眾生
貪瞋癡等
處在地獄
若聞金鼓
即尋禮佛
百生千生
諸佛世尊
是金鼓中
值遇諸佛
善修無量
及餘眾生
如是金鼓
成就具足
猛火炎熾
流轉諸難
若有眾生
及以人中
悉能滅除
無有救護
是諸世尊
生大悲心
現在世雄
惡不善業
不識諸佛
造作眾惡
盛年放逸
口作惡業
凡夫愚行
煩惱亂心
不知厭足
因生慳嫉

貧窮因緣
常有怖畏
貪欲恚癡
造作眾惡
諸結惱熱
所集三樂
或不恭敬
今悉懺悔
如是眾罪
誹謗正法
如是眾罪
驕慢放逸
如是眾罪
無量無邊
我當拔濟
所有諸苦
阿僧祇眾
住十地者
爲一眾生
令度苦海
演說微妙
滅除諸惡
若能至心
悉皆滅盡
是金光明
一切業障
十種珍寶
功德光明
諸佛所有
無量功德
百千禪定
諸陀羅尼
諸佛世尊
哀受我悔
以是因緣
愁熱驚懼
在在處處
大悲世尊
願當受我
悉得消除
惟願現在

姦諂作惡
不得自在
擾動其心
依因衣食
造作眾惡
如是眾罪
佛法聖眾
或不恭敬
今悉懺悔
不知恭敬
今悉懺悔
因貪恚癡
今悉懺悔
二千大千
十方一切
我當安止
令住十地
悉令具足
億劫修行
我當爲是
甚深悔法
千劫所作
一懺悔者
我今已說
清淨微妙
我當安止
以爲腳足
令諸眾生
甚深法藏
一切種智
根力覺道
十力世尊
有大慈悲
若我百劫
生大憂苦
怖畏惡業
暫無歡樂
能除眾生
誠心懺悔
我之所有
諸佛世尊

繫屬於他
而造諸惡
渴愛所逼
及以女色
身口意惡
今悉懺悔
如是眾罪
緣覺菩薩
以無智故
父母尊長
愚惑所覆
造作諸惡
我今供養
世界諸佛
無量眾生
不可思議
已得安止
如來正覺
使無量眾
諸眾生等
所謂金光
極重惡業
如是眾罪
懺悔之法
速能滅除
住於十地
成佛無上
度三有海
不可思議
願悉具足
不可思議
我當成就
當證微誠
所作眾惡
貧窮困乏
心常怯劣
十方現在
一切怖畏
令我恐懼
煩惱業垢
以大悲水

洗除令淨
現所作罪
更不敢作
身業三種
今悉懺悔
十種惡業
修行十善
所造惡業
誠心懺悔
所有善法
身口意業
若在諸有
造作眾惡
世間所有
愚煩惱難
心輕躁難
及三毒難
修功德難
今悉懺悔
是故我今
猶如須彌
其色無上
如紺琉璃
佛日大悲
離諸塵翳
煩惱火熾
如月清涼
莊嚴其身
明網顯耀
猶如琉璃
種種各異
頗梨白銀
莊嚴佛日
潦水波蕩
最爲羸溼
妙身莊嚴
遍照一切
是故我今
其量難知
諸須彌山
亦不可得

過去諸惡
誠心發露
已作之業
口業有四
身口所作
一切懺悔
安止十住
應受惡報
若此國土
悉以迴向
願於來世
六趣險難
今於佛前
生死險難
如是諸難
近惡友難
遇無難難
值佛亦難
諸佛世尊
敬禮佛海
是故我今
如天真金
功德威神
滅一切闇
無上佛日
令心焦熱
三十二相
視之無厭
安住三界
淨無瑕穢
其色紅赤
校飾光網
三有之中
惱亂我心
如來網明
相好殊特
智慧大海
稽首敬禮
大地微塵
難可度量
諸佛亦爾

今悉懺悔
所未作者
不敢覆藏
意三業行
及以意思
遠離十惡
逮十力尊
今於佛前
及餘世界
我所修行
證無上道
愚癡無智
皆悉懺悔
種種姪欲
我今懺悔
三有險難
值好時難
如是諸難
我所依止
金色晃耀
頂禮最勝
眼目清淨
名稱顯著
善淨無垢
大光普照
唯佛能除
八十種好
功德巍巍
如日照世
妙色廣大
如日初出
如是種種
生死大海
其味苦毒
能令枯涸
金色光明
彌滿三界
如大海水
不可稱計
虛空邊際
功德無量

一切有心
極心思惟
大地諸山
亦可知數
相好莊嚴
令眾皆得
來世不久
利益眾生
摧伏諸魔
清淨法輪
充足眾生
六波羅蜜
斷諸煩惱
及恚癡等
百生千生
正念諸佛
我因善業
修諸善業
無量苦惱
諸根毀壞
十方世界
無救護者
還得勢力
臨當刑戮
如是之人
繫縛枷鎖
無量百千
擾亂其心
願使一切
飢渴所惱
盲者得視
裸者得衣
倉庫盈溢
安隱快樂
眾生相視
人所喜見
飲食飽滿
之所思念
箏篋箏笛
微妙音聲
金華遍布

無能知者
不能得知
尙可知量
諸佛功德
名稱讚歎
我以善業
成於佛道
度脫一切
及其眷屬
住壽無量
甘露法味
猶如過佛
除一切苦
我當憶念
千萬億生
所說微妙
常值諸佛
一切世界
我當悉滅
不具足者
所有病苦
悉令解脫
平復如本
無量怖畏
悉令解脫
種種苦事
愁憂驚畏
如是無邊
悉得解脫
令得種種
聾者得聽
貧窮之者
無所乏少
乃至無有
和顏悅色
心常思念
功德具足
皆願令得
琴瑟鼓吹
江河池沼
及優鉢羅

於無量劫
佛功德邊
毛滴海水
無能知者
如是功德
諸因緣故
講宣妙法
無量諸苦
轉於無上
不思議劫
我當具足
之所成就
悉滅貪欲
宿命之事
常當至心
無上正法
遠離諸惡
所有眾生
若有眾生
悉令具足
羸瘦頓乏
如是諸苦
若犯王法
愁憂苦惱
若受鞭撻
逼切其身
種種恐懼
諸苦惱等
若有眾生
甘美飲食
啞者得言
即得寶藏
一切皆受
一人受苦
形貌端嚴
他人善事
隨諸眾生
種種妓樂
如是種種
流泉諸水
隨諸眾生

之所思念
錢財珍寶
雜廁瓔珞
乃至無有
色貌微妙
世間所有
悉令具足
如其所須
常於三時
眾生受者
常得供養
無上妙法
聲聞大眾
三惡八難
無上之王
多饒財寶
莊嚴其身
願諸女人
精勤不懈
勤心修習
無量諸佛
安住禪定
眾所樂聞
所作惡業
不適意者
若諸眾生
彌密堅固
除諸苦惱
及餘他方
所作種種
隨其歡喜
及身口意
成無上道
若有敬禮
無諸疑網
便得超越
及善女人
若有恭敬
并讚此偈
諸根具足
悉皆成就

即得種種
金銀琉璃
願諸眾生
可惡見者
各各相於
資生之具
願諸眾生
應念即得
雨細末香
歡喜快樂
不可思議
清淨無垢
願諸眾生
值無難處
願諸眾生
安隱豐樂
功德成就
皆成男子
一切皆行
六波羅蜜
坐寶樹下
自在快樂
若我現在
諸有險難
願悉滅盡
三有繫縛
願以智刀
早成菩提
無量世界
善妙功德
我今以此
所作善業
得淨無垢
讚歎十力
能作如是
六十劫罪
諸王刹利
合掌向佛
在在生處
清淨端嚴
在在處處

衣服飲食
真珠璧玉
不聞惡聲
願諸眾生
共相愛念
隨其所念
諸所求索
香華諸樹
及塗身香
願諸眾生
十方諸佛
及諸菩薩
常得遠離
觀睹諸佛
常生尊貴
上妙色像
有大名稱
具足智慧
菩薩之道
常見十方
琉璃座上
演說正法
及過去世
應得惡果
令無有餘
生死羅網
割斷破裂
若此閻浮
所有眾生
我今深心
隨喜功德
願於來世
吉祥果報
信心清淨
所說懺悔
諸善男子
婆羅門等
稱歎如來
常識宿命
種種功德
常爲國王

| | | |
|------|------|------|
| 輔相大臣 | 之行恭敬 | 非於一佛 |
| 五佛十佛 | 種諸功德 | 聞是懺悔 |
| 若於無量 | 百千萬億 | 諸佛如來 |
| 種諸善根 | 然後乃得 | 聞是懺悔 |

金光明經讚歎品第四

爾時佛告菩提樹神。善女天。過去有王名金龍尊。常以讚歎。讚歎去來現在諸佛

| | | |
|------|------|------|
| 我今尊重 | 敬禮讚歎 | 去來現在 |
| 十方諸佛 | 諸佛清淨 | 微妙寂滅 |
| 色中上色 | 金光照耀 | 於諸聲中 |
| 佛聲最上 | 猶如大梵 | 深遠雷音 |
| 其髮紺黑 | 光螺焰起 | 蜂翠孔雀 |
| 色不得喻 | 其齒鮮白 | 猶如珂雪 |
| 顯發金顏 | 分齊分明 | 其目脩廣 |
| 清淨無垢 | 如青蓮華 | 映水開敷 |
| 舌相廣長 | 形色紅輝 | 光明照耀 |
| 如華初生 | 眉間毫相 | 白如珂月 |
| 右旋潤澤 | 如淨琉璃 | 眉細脩揚 |
| 形如月初 | 其色黑耀 | 過於蜂王 |
| 鼻高圓直 | 如鑄金鋌 | 微妙柔軟 |
| 當于面門 | 如來勝相 | 次第最上 |
| 得味真正 | 無與等者 | 一一毛孔 |
| 一毛旋生 | 軟細紺青 | 猶孔雀項 |
| 即於生時 | 身放大光 | 普照十方 |
| 無量國土 | 滅盡三界 | 一切諸苦 |
| 令諸眾生 | 悉受快樂 | 地獄畜生 |
| 及以餓鬼 | 諸人天等 | 安隱無患 |
| 悉滅一切 | 無量惡趣 | 身色微妙 |
| 如融金聚 | 面貌清淨 | 如月盛滿 |
| 佛身明耀 | 如日初出 | 進止威儀 |
| 猶如師子 | 脩臂下垂 | 立過于膝 |
| 猶如風動 | 娑羅樹枝 | 圓光一尋 |
| 能照無量 | 猶如聚集 | 百千日月 |
| 佛身淨妙 | 無諸垢穢 | 其明普照 |
| 一切佛刹 | 佛光巍巍 | 明焰熾盛 |
| 悉能隱蔽 | 無量日月 | 佛日燈炬 |
| 照無量界 | 皆令眾生 | 尋光見佛 |
| 本所修習 | 百千行業 | 聚集功德 |
| 莊嚴佛身 | 臂傭纖圓 | 如象王鼻 |

| | | |
|---------|------|------|
| 手足淨軟 | 敬愛無厭 | 去來諸佛 |
| 數如微塵 | 現在諸佛 | 亦復如是 |
| 如是如來 | 我今悉禮 | 身口清淨 |
| 意亦如是 | 以妙香華 | 供養奉獻 |
| 百千功德 | 讚詠歌歎 | 設以百舌 |
| 於千劫中 | 歎佛功德 | 不能得盡 |
| 如來所有 | 現世功德 | 種種深固 |
| 微妙第一 | 設復千舌 | 欲讚一佛 |
| 尙不能盡 | 功德少分 | 況欲歎美 |
| 諸佛功德 | 大地及天 | 以爲大海 |
| 乃至有頂 | 滿其中水 | 尙以一毛 |
| 知其滴數 | 無有能知 | 佛一功德 |
| 我今以禮 | 讚歎諸佛 | 身口意業 |
| 悉皆清淨 | 一切所修 | 無量善業 |
| 與諸眾生 | 證無上道 | 如是人王 |
| 讚歎佛已 | 復作如是 | 無量誓願 |
| 若我來世 | 無量無邊 | 阿僧祇劫 |
| 在在生處 | 常於夢中 | 見妙金鼓 |
| 得聞懺悔 | 深奧之聲 | 今所讚歎 |
| 面貌清淨 | 願我來世 | 亦得如是 |
| 諸佛功德 | 不可思議 | 於百千劫 |
| 甚難得值 | 願於當來 | 無量之世 |
| 夜則夢見 | 晝如實說 | 我當具足 |
| 修行六度 | 濟拔眾生 | 越於苦海 |
| 然後我身 | 成無上道 | 令我世界 |
| 無與等者 | 奉貢金鼓 | 讚佛因緣 |
| 以此果報 | 當來之世 | 值釋迦佛 |
| 得受記[卅別] | 并令二子 | 金龍金光 |
| 常生我家 | 同共受記 | 若有眾生 |
| 無救護者 | 眾苦逼切 | 無所依止 |
| 我於當來 | 爲是等輩 | 作大救護 |
| 及依止處 | 能除眾苦 | 悉令滅盡 |
| 施與眾生 | 諸善安樂 | 我未來世 |
| 行菩薩道 | 不計劫數 | 如盡本際 |
| 以此金光 | 懺悔因緣 | 使我惡海 |
| 及以業海 | 煩惱大海 | 悉竭無餘 |
| 我功德海 | 願悉成就 | 智慧大海 |
| 清淨具足 | 無量功德 | 助菩提道 |
| 猶如大海 | 珍寶具足 | 以此金光 |
| 懺悔力故 | 菩提功德 | 光明無礙 |
| 慧光無垢 | 照徹清淨 | 我當來世 |

身光普照
於三界中
無所減少
并復安置
行菩提道
三世諸佛
無量功德
功德淨土

功德威神
最勝殊特
當度眾生
功德大海
如昔諸佛
淨妙國土
令我來世

光明焰盛
諸功德力
越於苦海
來世多劫
行菩提者
諸佛至尊
得此殊異

金光明經空品第五

爾時世尊說此頌曰

無量餘經
略而解說
不能廣知
略而說之
爲鈍根故
此妙經典
是身虛僞
結賊所止
眼根受色
舌嗜於味
意根分別
各各自緣
心如幻化
分別諸法
六賊所害
六根境界
隨行色聲
如鳥投網
隨逐諸塵
不可長養
從諸因緣
妄想故起
地水火風
共相殘害
四大虵蛇
諸方亦二
地水二蛇

已廣說空
眾生根鈍
無量空義
異妙方便
起大悲心
如我所解
猶如空聚
一切自住
耳分別聲
所有身根
一切諸法
諸塵境界
馳騁六情
猶如世人
愚不知避
各各自知
香味觸法
其心在在
無有暫捨
無有諍訟
和合而有
業力機關
合集成立
猶如四蛇
其性各異
如是蛇大
其性沈下

是故此中
眇於智慧
故此尊經
種種因緣
今我演說
知眾生意
六入村落
各不相知
鼻嗅諸香
貪受諸觸
六情諸根
不行他緣
而常妄想
馳走空聚
心常依止
所伺之處
心處六情
常處諸根
身空虛僞
亦無正主
無有堅實
假爲空聚
隨時增減
同處一篋
二上二下
悉滅無餘
風火二蛇

| | | |
|------|------|------|
| 性輕上升 | 心識二性 | 躁動不停 |
| 隨業受報 | 人天諸趣 | 隨所作業 |
| 而墮諸有 | 水火風種 | 散滅壞時 |
| 大小不淨 | 盈流於外 | 體生諸蟲 |
| 無可愛樂 | 捐棄塚間 | 如朽敗木 |
| 善女當觀 | 諸法如是 | 何處有人 |
| 及以眾生 | 本性空寂 | 無明故有 |
| 如是諸大 | 一一不實 | 本自不生 |
| 性無和合 | 以是因緣 | 我說諸大 |
| 從本不實 | 和合而有 | 無明體相 |
| 本自不有 | 妄想因緣 | 和合而有 |
| 無所有故 | 假名無明 | 是故我說 |
| 名曰無明 | 行識名色 | 六入觸受 |
| 愛取有生 | 老死愁惱 | 眾苦行眾 |
| 不可思議 | 生死無際 | 輪轉不息 |
| 本無有生 | 亦無和合 | 不善思惟 |
| 心行所造 | 我斷一切 | 諸見纏等 |
| 以智慧刀 | 裂煩惱網 | 五陰舍宅 |
| 觀悉空寂 | 證無上道 | 微妙功德 |
| 開甘露門 | 示甘露器 | 入甘露城 |
| 處甘露室 | 令諸眾生 | 食甘露味 |
| 吹大法螺 | 擊大法鼓 | 然大法炬 |
| 雨勝法雨 | 我今摧伏 | 一切怨結 |
| 豎立第一 | 微妙法幢 | 度諸眾生 |
| 於生死海 | 永斷三惡 | 無量苦惱 |
| 煩惱熾然 | 燒諸眾生 | 無有救護 |
| 無所依止 | 我以甘露 | 清涼美味 |
| 充足是輩 | 令離焦熱 | 於無量劫 |
| 遵修諸行 | 供養恭敬 | 諸佛世尊 |
| 堅固修習 | 菩提之道 | 求於如來 |
| 真實法身 | 捨諸所重 | 肢節手足 |
| 頭目髓腦 | 所愛妻子 | 錢財珍寶 |
| 真珠瓔珞 | 金銀琉璃 | 種種異物 |

| | |
|---------|---------|
| 三千大千世界中 | 所有樹木折為籌 |
| 三千大地碎微塵 | 是等微塵遍虛空 |
| 一切眾生有智慧 | 以此智慧與一人 |
| 如是人等如微塵 | 算此微塵可知數 |
| 如來智慧不可數 | 如來一念有智慧 |
| 不可數劫算不盡 | |

金光明經卷第一

金光明經卷第二

[原文：北涼三藏法師曇無讖譯，依藏譯和英譯本而有所增減]

金光明經四天王品第六

爾時毘沙門天王。提頭賴吒天王。毘留勒叉天王。毘留博叉天王。俱從座起偏袒右肩。右膝著地胡跪合掌。白佛言。世尊。是金光明微妙經典眾經之王。諸佛世尊之所護念。莊嚴菩薩深妙功德。常為諸天之所恭敬。能令天王心生歡喜。亦為護世之所讚歎。此經能照諸天宮殿。是經能與眾生快樂。是經能令地獄餓鬼畜生諸河焦乾枯竭。是經能除一切怖畏。是經能卻他方怨賊。是經能除穀貴饑饉。是經能愈一切疫病。是經能滅惡星變異。是經能除一切憂惱。舉要言之。是經能滅一切眾生無量無邊百千苦惱。世尊。是金光明微妙經典。若在大眾廣宣說時。我等四王及餘眷屬。聞此甘露無上法味。增益身力心進勇銳具諸威德。世尊。我等四王。能說正法修行正法。為世法王以法治世。世尊。我等四王及天龍藥叉。乾闥婆阿脩羅迦樓羅緊那羅摩[目*侯]羅伽。以法治世。遮諸惡鬼噉精氣者。世尊。我等四王二十八部諸藥叉等。及無量百千藥叉。以淨天眼過於人眼。常觀擁護此閻浮提。世尊。是故我等名護世王。若此國土有諸衰耗怨賊侵境饑饉疾疫種種艱難。若有比丘受持是經。我等四王當共勸請。令是比丘以我力故。疾往彼所國邑郡縣。廣宣流布是金光明微妙經典。令如是等種種百千衰耗之事悉皆滅盡。世尊。如諸國王所有土境。是持經者若至其國。是王應當往是人所聽受如是微妙經典。聞已歡喜復當護念恭敬是人。世尊。我等四王。復當勤心擁護是王及國人民。為除衰患令得安隱。世尊。若有比丘比丘尼優婆塞優婆夷受持是經。若諸人王有能供給施其所安。我等四王。亦當令是王及國人民一切安隱具足無患。世尊。若有四眾受持讀誦是妙經典。若諸人王有能供養恭敬尊重讚歎。我等四王。亦復當令如是人王於諸王中常得第一供養恭敬尊重讚歎。亦令餘王欽尚羨慕稱讚其善。

爾時世尊讚歎護世四天王等。善哉善哉。汝等四王。過去已曾供養恭敬尊重讚歎無量百千萬億諸佛。於諸佛所種諸善根。說於正法修行正法。以法治世為人天王。汝等今日長夜利益於諸眾生行大悲心。施與眾生一切樂具。能遮諸惡勤與諸善。以是義故。若有人王能供養恭敬此金光明微妙經典。汝等正應如是護念。滅其苦惱與其安樂。汝等四王及諸眷屬。無量無邊百千藥叉。若能護念如是經者。即是護持去來現在諸佛正法。汝等四王及餘天眾百千藥叉。與阿脩羅共戰鬥時。汝等諸天常得勝利。汝等若能護念此經。悉能消伏一切諸苦。所謂怨賊饑饉疾疫。若四部眾有能受持讀誦此經。汝等亦應勤心守護。為除衰惱施與安樂。爾時四王復白佛言。世尊。是金光明微妙經典。於未來世在所流布。若國土城邑郡縣村落隨所至處。若諸國王以天律治世。復能恭敬至心聽受是妙經典。并復尊重供養供給持是經典四部之眾以是因緣。我等時時得聞如是微妙經典。聞已即得增益身力。心進勇銳具諸威德。是

故我等及無量藥叉。常當隱形隨其妙典所流布處。而作擁護令無留難。亦當護念聽是經典諸國王等及其人民。除其患難悉令安隱。他方怨賊亦使退散。若有人王聽是經時。鄰國怨敵興如是念。當具四兵壞彼國土。世尊。以是經典威神力故。爾時鄰敵更有異怨為作留難。於其境界起諸衰惱災異疫病。爾時怨敵起如是等諸惡事已。備具四兵。發向是國規往討罰我等爾時。當與眷屬無量無邊百千藥叉。隱蔽其形為作護助。令彼怨敵自然退散。起諸怖懼種種留難。彼國兵眾尚不能到。況復當能有所破壞

爾時佛讚四天王等。善哉善哉。汝等四王。乃能擁護我百千億那由他劫所可修習阿耨多羅三藐三菩提。及諸人王受持是經恭敬供養者。為消衰患令其安樂。復能擁護宮殿舍宅城邑村落國土邊疆。乃至怨賊悉令退散。滅其衰惱令得安隱。亦令一切閻浮提內所有諸王無諸凶衰鬥訟之事。四王當知。此閻浮提八萬四千城邑聚落。八萬四千諸人王等。各於其國娛樂快樂。各各於國而得自在。於自所有錢財珍寶。各各自足不相侵奪。如其宿世所修集業隨業受報。不生惡心貪求他國。各各自生利益之心。生於慈心安樂之心不諍訟心不破壞心無繫縛心無楚撻心。各於其土自生愛樂。上下和睦猶如水乳。心相愛念增諸善根。以是因緣故。此閻浮提安隱豐樂。人民熾盛大地沃壤。陰陽調和時不越序。日月星宿不失常度。風雨隨時無諸災橫。人民豐實自足於財心無貪吝。亦無嫉妒等行十善。其人壽終多生天上。天宮充滿增益天眾。若未來世有諸人王聽是經典。及供養恭敬受持是經四部之眾。是王則為安樂利益汝等四王及餘眷屬無量百千諸藥叉等。何以故。汝等四王。若得時時間是經典。則為已得正法之水。服甘露味增益身力。心進勇銳具諸威德。是諸人王。若能至心聽受是經。則為已能供養於我。若供養我則是供養過去未來現在諸佛。若能供養過去未來現在諸佛。則得無量不可思議功德之聚。以是因緣。是諸人王應得擁護。及后妃嫔女中宮眷屬諸王子等亦應得護。衰惱消滅快樂熾盛。宮殿堂宇安隱清淨無諸災變。護宅之神增長威德。亦受無量歡悅快樂。是諸國土所有人民。悉受種種五欲之樂。一切惡事悉皆消滅

爾時四天王白佛言。世尊。未來之世若有人王。欲得護身及后妃嫔女諸王子等宮殿屋宅。得第一護身所王領最為殊勝。具不可思議王者功德。欲得攝取無量福聚。國土無有他方怨賊。無諸憂惱及諸苦事。世尊。如是人王。不應放逸散亂其心。應生恭敬謙下之心。應當莊嚴第一微妙最勝宮宅。種種香汁持用灑地。散種種華敷大法座師子之座。兼以無量珍琦異物而為校飾。張施種種無數微妙幢幡寶蓋。當淨洗浴以香塗身。著好淨衣纓絡自嚴。坐卑小座不自高大。除去自在離諸放逸。謙下自卑除去驕慢。正念聽受如是妙典。於說法者生世尊想。復於宮內后妃王子嫔女眷屬。生慈哀心和顏與語。勸以種種供養之具供養法師。是王爾時既勸化已。即生無量歡喜快樂。心懷悅豫倍復自勵。不生疲倦多作利益。於說法者倍生恭敬。

爾時佛告四大天王。爾時人王。應著白淨鮮潔之衣。種種纓絡齊整莊嚴。執持素白微妙上蓋。服飾容儀不失常則。躬出奉迎說法之人。何以故。是王如是隨其舉足步步之中。即是供養值遇百千億那由他諸佛世尊。復得超越如是等劫生死之難。復於來世爾所劫中。常得封受轉輪王位。隨其步步亦得如是現世功德不可思議自在之

力。常得最勝極妙七寶人天宮殿。在在生處增益壽命。言語辯了人所信用。無所畏忌有大名稱。常為人天之所恭敬。天上人中受上妙樂。得大勢力具足威德。身色微妙端嚴第一。常值諸佛遇善知識。成就具足無量福聚。汝等四天王。如是人王。見如是等種種無量功德利益。是故此王應當躬出奉迎法師。若一由旬至百千由旬。於說法師應生佛想。應作是念。今日釋迦如來正智。入於我宮受我供養爲我說法我聞是法。即不退轉於阿耨多羅三藐三菩提。已爲得值百千萬億那由他佛。已爲供養過去未來現在諸佛。已得畢竟三惡道苦。我今已種百千無量轉輪聖王釋梵之因。已種無邊善根種子。已令無量百千萬億諸眾生等度於生死。已集無量無邊福聚。後宮眷屬已得擁護。宮宅諸衰悉已消滅。國土無有怨賊棘刺。他方怨敵不能侵陵。汝等四王。如是人王。應作如是供養正法。清淨聽受是妙經典。及恭敬供養尊重讚歎持是經典四部之眾。亦當迴此所得最勝功德之分。施與汝等及餘眷屬諸天藥叉。聚集如是諸善功德。現世常得無量無邊不可思議自在之利。威德勢力成就具足。能以正法摧伏諸惡。

爾時四王白佛言。世尊。若未來世有諸人王。作如是等恭敬正法。至心聽受是妙經典。及恭敬供養尊重讚歎持是經典四部之眾。嚴治舍宅香汁灑地。專心正念聽說法時。我等四王亦當在中共聽此法。願諸人王爲自利故。以己所得功德少分施與我等。世尊。是諸人王於說法者所坐之處。爲我等故燒種種香供養是經。是妙香氣。於一念頃即至我等諸天宮殿。其香即時變成香蓋。其香微妙金色晃耀照我等宮釋宮梵宮。大辯天神。功德天神。堅牢地神。散脂藥叉。最大將軍。二十八部藥叉大將。摩醯首羅。金剛密跡。摩尼跋陀藥叉大將。鬼子母。與五百兒子周匝圍繞。阿耨達龍王。娑竭羅龍王。如是等眾。自於宮殿各各得聞是妙香氣。及見香蓋光明普照。是香蓋光明亦照一切諸天宮殿。

佛告四王。是香蓋光明非但至汝四王宮殿。何以故。是諸人王手擎香爐。供養經時其香遍布。於一念頃遍至三千大千世界。百億日月。百億大海。百億須彌山。百億大鐵圍山小鐵圍山及諸山王。百億四天下。百億四天王。百億三十三天。乃至百億非想非非想天。於此三千大千世界。百億三十三天。一切龍鬼。乾闥婆阿脩羅迦樓羅緊那羅摩[目*侯]羅伽。宮殿虛空悉滿種種香煙雲蓋。其蓋金光亦照宮殿。如是三千大千世界。所有種種香煙雲蓋。皆是此經威神力故。是諸人王手擎香爐供養經時。種種香氣。不但遍此三千大千世界。於一念頃亦遍十方無量無邊恒河沙等百千萬億諸佛世界。於諸佛上虛空之中。亦成香蓋。金光普照。亦復如是。諸佛世尊聞是妙香。見是香蓋及金色光。於十方界恒河沙等諸佛世界。作如是等神力變化已。異口同音於說法者稱讚。善哉善哉。大士。汝能廣宣流布如是甚深微妙經典。則爲成就無量無邊不可思議功德之聚。若有聞是甚深經典所得功德則爲不少。況持讀誦爲他眾生開示分別演說其義。何以故。善男子。此金光明微妙經典。無量無邊億那由他諸菩薩等。若得聞者。即不退於阿耨多羅三藐三菩提。爾時十方無量無邊恒河沙等。諸佛世界現在諸佛。異口同聲作如是言。善男子。汝於來世必定當得坐於道場菩提樹下。於三界中最尊最勝。出過一切眾生之上。勤修力故受諸苦行。善能莊嚴菩提道場。能壞三千大千世界外道邪論。摧伏諸魔怨賊異形。覺了諸法第一寂滅清淨無垢甚深無上菩提之道。善男子。汝已能坐金剛座處。轉於無上諸佛所讚十二

種行甚深法輪。能擊無上最大法鼓。能吹無上極妙法螺。能豎無上最勝法幢。能然無上極明法炬。能雨無上甘露法雨。能斷無量煩惱怨結。能令無量百千萬億那由他眾。度於無涯可畏大海。解脫生死無際輪轉。值遇無量百千萬億那由他佛

爾時四天王復白佛言。世尊。是金光明微妙經典。能得未來現在種種無量功德。是故人王。若得聞是微妙經典。則為已於百千萬億無量佛所種諸善根。我以敬念是人王故。復見無量福德利故。我等四王及餘眷屬無量百千萬億藥叉。於自宮殿見是種種香煙雲蓋瑞應之時。我當隱蔽不現其身。為聽法故。當至是王所至宮殿講法之處。大梵天王。釋提桓因。大辯天神。功德天神。堅牢地神。散脂藥叉。大將軍等。二十八部藥叉。大將摩醯首羅。金剛密跡。摩尼跋陀藥叉。大將鬼子母及五百兒子。周匝圍繞。阿耨達龍王。娑竭羅龍王。無量百千萬億那由他藥叉諸天。如是等眾為聽法故。悉自隱蔽不現其身。至是人王所止宮殿講法之處。世尊。我等四王及餘眷屬無量藥叉。悉當同心以是人王為善知識。同共一行善相應行。能為無上大法施主。以甘露味充足我等。我等應當擁護是王。除其衰患令得安隱。及其宮宅國土城邑。諸惡災患悉令消滅。世尊。若有人王。於此經典心生捨離不樂聽聞。其心不欲恭敬供養尊重讚歎。若四部眾有受持讀誦講說之者。亦復不能恭敬供養尊重讚歎。我等四王及餘眷屬無量藥叉。即便不得聞此正法。背甘露味失大法利。無有勢力及以威德。減損天眾增長惡趣。世尊。我等四王及無量藥叉捨其國土。不但我等。亦有無量守護國土諸舊善神皆悉捨去。我等諸王及諸藥叉既捨離已。其國當有種種災異。一切人民失其善心。唯有繫縛瞋恚鬥諍。互相破壞多諸疾疫。彗星現怪流星崩落。五星諸宿違失常度。兩日並現日月薄蝕。白黑惡虹數數出現。大地震動發大音聲。暴風惡雨無日不有。穀米勇貴饑饉凍餓。多有他方怨賊侵掠其國。人民多受苦惱。其地無有可愛樂處。世尊。我等四王及諸無量百千藥叉。并守國土諸舊善神。遠離去時生如是等無量惡事。世尊。若有人王。欲得自護及王國土多受安樂。欲令國土一切眾生悉皆成就具足快樂。欲得摧伏一切外敵。欲得擁護一切國土。欲以正法正治國土。欲得除滅眾生怖畏。世尊。是人王等。應當必定聽是經典。及恭敬供養讀誦受持是經典者。我等四王及無量藥叉。以是法食善根因緣。得服甘露無上法味。增長身力心進勇銳增益諸天。何以故。以是人王至心聽受是經典故。如諸梵天說出欲論。釋提桓因種種善論。五通之人神仙之論。世尊。梵天釋提桓因五神通人。雖有百千億那由他無量勝論。是金光明於中最勝。所以者何。如來說是金光明經。為眾生故。為令一切閻浮提內諸人王等以正法治。為與一切眾生安樂。為欲愛護一切眾生。欲令眾生無諸苦惱。無有他方怨賊棘刺。所有諸惡背而不向。欲令國土無有憂惱。以正法教無有諍訟。是故人王各於國土。應然法炬熾然正法增益天眾。我等四王及無量藥叉。閻浮提內諸天善神。以是因緣。得服甘露法味充足。得大威德進力具足。閻浮提內安隱豐樂。人民熾盛安樂其處。復於來世無量百千不可思議那由他劫。常受微妙第一快樂。復得值遇無量諸佛種種善根。然後證成阿耨多羅三藐三菩提。得如是等無量功德。悉是如來正遍知說。如來過於百千億那由他諸梵天等。以大悲力故。亦過無量百千億那由他釋提桓因。以苦行力故。是故如來為諸眾生。演說如是金光明經。若閻浮提一切眾生及諸人王。世間出世間所作國事。所造世論皆因此經。欲令眾生得安樂故。釋迦如來示現是經廣宣流布。世尊。以是因緣故。是諸人王。應當必定聽定供養恭敬尊重讚歎是經。爾時佛復告四

天王。汝等四王及餘眷屬。無量百千那由他藥叉。是諸人王。若能至心聽是經典供養恭敬尊重讚歎。汝等四王。正應擁護滅其衰患而與安樂。若有人能廣宣流布如是妙典。於人天中大作佛事。能大利益無量眾生。如是之人。汝等四王。必當擁護莫令他緣而得擾亂。令心恬靜受於快樂。續復當得廣宣是經。爾時四天王。即從座起偏袒右肩。右膝著地長跪合掌。於世尊前以偈讚曰

| | | |
|------|------|------|
| 佛月清淨 | 滿足莊嚴 | 佛日暉曜 |
| 放千光明 | 如來面目 | 最上明淨 |
| 齒白無垢 | 如蓮華根 | 功德無量 |
| 猶如大海 | 智淵無邊 | 法水具足 |
| 百千三昧 | 無有缺減 | 足下平滿 |
| 千輻相現 | 足指網縵 | 猶如鵝王 |
| 光明晃耀 | 如寶山王 | 微妙清淨 |
| 如鍊真金 | 所有福德 | 不可思議 |
| 佛功德山 | 我今敬禮 | 佛真法身 |
| 猶如虛空 | 應物現形 | 如水中月 |
| 無有障礙 | 如焰如化 | 是故我今 |
| 稽首佛月 | | |

爾時世尊。以偈答曰

| | | |
|------|------|------|
| 此金光明 | 諸經之王 | 甚深最勝 |
| 爲無有上 | 十力世尊 | 之所宣說 |
| 汝等四王 | 應當勤護 | 以是因緣 |
| 是深妙典 | 能與眾生 | 無量快樂 |
| 爲諸眾生 | 安樂利益 | 故久流布 |
| 於閻浮提 | 能滅三千 | 大千世界 |
| 所有惡趣 | 無量諸苦 | 閻浮提內 |
| 諸人王等 | 心生慈愍 | 正法治世 |
| 若能流布 | 此妙經典 | 則令其土 |
| 安隱豐熟 | 所有眾生 | 悉受快樂 |
| 若有人王 | 欲愛己身 | 及其國土 |
| 欲令豐盛 | 應當至心 | 淨潔洗浴 |
| 往法會所 | 聽受是經 | 是經能作 |
| 所有善事 | 摧伏一切 | 內外怨賊 |
| 復能除滅 | 無量怖畏 | 是諸經王 |
| 能與一切 | 無量眾生 | 安隱快樂 |
| 譬如寶樹 | 在人家中 | 悉能出生 |
| 一切珍寶 | 是妙經典 | 亦復如是 |
| 悉能出生 | 諸王功德 | 如清冷水 |
| 能除渴乏 | 是妙經典 | 亦復如是 |

| | | |
|------|------|------|
| 能除諸王 | 功德渴乏 | 譬如珍寶 |
| 異物篋器 | 悉在于手 | 隨意所用 |
| 是金光明 | 亦復如是 | 隨意能與 |
| 諸王法寶 | 是金光明 | 微妙經典 |
| 常爲諸天 | 恭敬供養 | 亦爲護世 |
| 四大天王 | 威神勢力 | 之所護持 |
| 十方諸佛 | 常念是經 | 若有演說 |
| 稱讚善哉 | 亦有百千 | 無量藥叉 |
| 從十方來 | 擁護是人 | 若有得聞 |
| 是妙經典 | 心生歡喜 | 踊躍無量 |
| 閻浮提內 | 無量大眾 | 皆悉歡喜 |
| 集聽是經 | 聽是經故 | 具諸威德 |
| 增益天眾 | 精氣身力 | |

爾時四天王聞是偈已。白佛言。世尊。我從昔來未曾得聞如是微妙寂滅之法。我聞是已心生悲喜涕淚交流。舉身戰動肢節怡解。復得無量不可思議具足妙樂。以天曼陀羅華摩訶曼陀羅華。供養奉散於如來上。作如是等供養佛已。復白佛言。世尊。我等四王。各各自有五百藥叉。常當隨逐是說法者而爲守護

金光明經大辯天神品第七

爾時大辯天白佛言。世尊。是說法者。我當益其樂說辯才。令其所說莊嚴次第善得大智。若是經中有失文字句義違錯。我能令是說法比丘次第還得。能與總持令不忘失。若有眾生於百千佛所種諸善根。是說法者爲是等故。於閻浮提廣宣流布是妙經典令不斷絕。復令無量無邊眾生得聞是經。當令是等悉得猛利不可思議大智慧聚不可稱量福德之報。善解無量種種方便。善能辯暢一切諸論。善知世間種種技術。能出生死得不退轉。必定疾得阿耨多羅三藐三菩提

我今復欲說其咒藥洗浴法。若有比丘受持此經。復有眾生深樂聽聞是經典者。爲是人等能除一切惡星災怪。除其疫氣疾病生死之苦。惡口鬥諍縣官口舌。夜臥惡夢惡神障難。[示*厭]蠱咒咀一切惡障悉得除滅。是諸眾生若有聽受是經法者。應當誦持此咒。咒藥作湯洗浴其身。是故我說咒藥之法

取好菖蒲雄黃苜蓿香。尸利沙(合歡)甘松香。奢彌(苟杞)草藿香。嵩高草沈香。桂皮丁香。風香。白膠香。安息香。阿蘿娑煎香。零陵香。艾納香。梅檀香。石雄黃青木香。鬱金香。附子。芥子。縮師。蜜鬱金根。那羅陀草龍華

如是等藥。各等分採之。用鬼星日和合搗之。搗訖以此咒咒之一百八遍。而說咒曰

哆姪[口*他]穌坻 羯利坻 迦摩哆寫闍怒迦囉池呵怒迦囉池 因陀羅闍離 奢迦提離 波奢提 離阿跋哆 迦斯該那 拘都俱 迦毘羅迦毘羅末坻尸羅末坻珊題頭頭摩跋坻尸梨尸梨薩帝 耶薩[口*室]帝 娑波呵

以牛糞塗地。縱廣七肘以爲道場。以華散著道場中。遍覆其地懸繪幡蓋用金碗銀碗盛石蜜漿葡萄漿蜜漿乳汁。置於道場外。四角頭各置一人。身帶鍔鉞手持戎仗。隱身而立。復須四童女子。各著淨衣奉持華瓶。亦於道場四角而立。燒膠香供養不得斷絕。復作五色神幡四角安寶幢五種音聲伎樂。以新淨器盛其香湯置道場中。於先結界然後洗浴。說此結界咒曰

哆姪[口*他] 遏邏羈 耶耶[口*彌] 醯梨尸 梨企企梨 娑波呵

以咒咒水二十一遍散著四方。復說咒湯咒身咒。先咒身一百八遍。復咒湯一百八遍以此湯洗浴其身

哆姪[口*他] 娑伽遲 毘伽遲 毘伽茶跋帝娑波呵

誦咒洗浴訖。行者爲其是人發弘誓願。願四方神星覆護身命。常令休吉無諸障難。惡星災怪悉無所畏。四大安吉無諸疾患。一切怖畏悉得除愈。復說咒身咒願咒

娑彌毘娑彌 娑波呵 娑伽遲 毘伽遲娑波呵娑伽囉 三浮哆耶 娑波呵 乾陀摩陀那耶娑波呵 尼羅鞞[口*他]耶娑波呵 阿波羅耆哆 毘梨蛇耶娑波呵醯摩婆 三浮哆耶 娑波呵 阿尼彌邏薄迦哆邏耶娑波呵南無婆伽婆帝 跋藍摩禰那摩娑羅薩簸帝摩訶提鞞四填妒 蔓哆羅般陀擔婆羅熊摩阿奴蔓若都娑波呵

於是大辯天神白佛言。世尊。若有比丘比丘尼優婆塞優婆夷。受持讀誦書寫流通如法行者。若城邑聚落曠野露地塔寺僧房俗人住處。我爲是諸人等。將諸眷屬作天伎樂來詣道場。除一切病一切惡星災怪。除其一切疫病生死之苦。除一切惡口鬥諍縣官口舌。除一切夜臥惡夢。除一切惡神障難。除一切[示*厭]蠱咒咀。除一切惡障。若有比丘比丘尼優婆塞優婆夷。受持讀誦此經。速度煩惱入阿毘跋致地。向阿耨多羅三藐三菩提。以此功德速成阿耨多羅三藐三菩提

爾時世尊讚大辯天神言。善哉善哉。大辯天神。能爲一切眾生思惟善事。能令一切眾生施其無畏。爲諸眾生說此咒藥功能。利益一切眾生。於是大辯天神。禮佛三拜還復故座。爾時婆羅門僑陳如。以咒力故。當請大辯天神

| | | |
|------|------|------|
| 亦當恭敬 | 大辯天神 | 一切世間 |
| 名悉遍到 | 恒在山中 | 天龍藥叉 |
| 一切悉敬 | 常披草衣 | 一腳而立 |
| 一切諸天 | 悉來到彼 | 欲請天神 |
| 願施一切 | 眾生智慧 | 言語辯了 |
| 能以善言 | | |

多姪[口*他] 茂梨毘梨 阿婆耆 阿婆闍跋帝興渠梨 彌渠梨 賓伽羅跋帝 鶯渠灑末利脂穌摩帝 題耆摩帝 阿祇利 摩祇利多羅遮跋帝 脂舍利尸利彌利 摩脂利波羅移禰 盧迦折師帝 盧迦施離師帝 盧伽畢利易膝陀跋羅帝 毘摩目企

首脂遮利阿波羅帝呵帝阿波羅帝河多浮地 南牟指南牟脂 摩呵題脾波羅帝伽利迄
 那 那摩娑迦濫摩摩浮地阿波羅帝呵多婆婆妒 奢薩多羅 奢盧羈單多 羅卑吒迦
 迦毘耶地疏 多姪[口*他] 摩呵波羅婆毘醯利彌利 醯利彌利 毘遮羅妒 摩摩
 浮地伊梵那摩寫婆伽婆帝 毘耶題娑羅娑跋帝 迦羅遲只由離醯利彌利醯利彌利
 阿婆呵咩彌摩呵題 毘佛陀薩知那。達摩薩知那僧伽薩知那因陀羅薩知那 婆婁那
 薩知那移盧只薩知那 婆題那知爽薩知那 薩知那婆支禰那 阿婆呵 咩彌摩呵題
 毘哆[口*姪][口*他] 醯利彌利 醯利醯利毘遮邏都孛題 摩摩南無婆伽婆帝 摩
 呵題毘娑邏娑波帝 膝填妒曼多羅波陀 娑波呵

爾時憍陳如婆羅門。以偈讚大辯天神

| | |
|---------|---------|
| 一切諸藥叉 | 今當至心聽 |
| 我今欲讚嘆 | 大聖辯天神 |
| 一切諸女中 | 辯天最爲尊 |
| 諸天修羅等 | 乾闥及夜叉 |
| 世間諸聖中 | 一切最爲尊 |
| 種種諸功德 | 以用莊嚴身 |
| 眼如優波羅 | 智慧功德相 |
| 譬如七寶珠 | 世間甚難見 |
| 我今欲讚嘆 | 甚深最勝語 |
| 決定施與一切眾 | 最勝最高無過者 |
| 相好端嚴潤眾生 | 形貌清淨如蓮華 |
| 眼目修禔勝一切 | 身體端正視無厭 |
| 種種莊嚴諸相好 | 光明清淨如月光 |
| 智慧悉能遍一切 | 強記不妄能總持 |
| 乘師子上現人形 | 體有八臂莊嚴身 |
| 眾生見者如滿月 | 語言辯了聲微妙 |
| 智慧甚深難思議 | 以此智慧恒圓滿 |
| 能施眾生一切願 | 於一切眾最爲尊 |
| 帝釋修羅諸天等 | 乾闥婆等及夜叉 |
| 一切大眾恒讚嘆 | 我某甲等當恭敬 |
| 供養清淨愍重心 | 以此願故皆吉祥 |
| 於怖畏處恒防護 | 若復有人於晨朝 |
| 清淨誦此七言偈 | 我令是人悉滿願 |
| 須者給與無所乏 | |

說是偈已。令一切眾悉發阿耨多羅三藐三菩提心

金光明經功德天品第八

爾時功德天白佛言。世尊。是說法者。我當隨其所須之物。衣服飲食臥具醫藥及餘資產。供給是人無所乏少。令心安住晝夜歡樂。正念思惟是經章句分別深義。若有眾生於百千佛所種諸善根。是說法者爲是等故。於閻浮提廣宣流布是妙經典令不斷絕。是諸眾生聽是經已。於未來世無量百千那由他劫。常在天上人中受樂。值遇諸佛。速成阿耨多羅三藐三菩提。三惡道苦悉畢無餘。世尊。我已於過去寶華功德海琉璃金山照明如來應供正遍知明行足善逝世間解無上士調御丈夫天人師佛世尊所種諸善根。是故我今隨所念方。隨所視方。隨所至方。能令無量百千眾生受諸快樂。若衣服飲食資生之具。金銀七寶。真珠琉璃珊瑚琥珀璧玉珂貝。悉無所乏。若有人能稱金光明微妙經典。爲我供養諸佛世尊。三稱我名燒香供養。供養佛已別以香華種種美味。供施於我灑散諸方。當知是人即能聚集資財寶物。以是因緣增長地味。地神諸天悉皆歡喜。所種穀米牙莖枝葉果實滋茂。樹神歡喜出生無量種種諸物。我時慈念諸眾生故。多與資生所須之物。世尊。於此北方。毘沙門天王有城名曰阿尼曼陀。其城有園名功德華光。於是園中有最勝園。名曰金幢七寶極妙。此即是我常止住處。若有欲得財寶增長。是人當於自所住處。應淨掃灑洗浴其身。著鮮白衣妙香塗身。爲我至心三稱彼佛寶華琉璃世尊名號。禮拜供養燒香散華。亦當三稱金光明經至誠發願。別以香華種種美味。供施於我散灑諸方。爾時當說如是章句

波利富樓那遮利 三曼陀達舍尼羅佉 摩訶毘呵羅伽帝 三曼陀毘陀那伽帝 摩訶迦梨波帝 波婆禰 薩婆哆詬 三曼陀 脩鉢梨富隸 阿夜那達摩帝 摩訶毘鼓畢帝 摩訶彌勒簸僧祇帝 醯帝 筏三博祇帝 三曼陀阿[口*他] 阿[少/兔]婆羅尼

是灌頂章句。必定吉祥真實不虛。等行眾生及中善根。應當受持讀誦通利。七日七夜受持八戒。朝暮淨心。香華供養十方諸佛。常爲己身及諸眾生。迴向具足阿耨多羅三藐三菩提。作是誓願。令我所求皆得吉祥。自於所居房舍屋宅淨潔掃除。若自住處若阿蘭若處以香泥塗地燒微妙香敷淨好座。以種種華香布散其地以待於我。我於爾時如一念頃。入其室宅即坐其座。從此日夜令此所居若村邑若僧坊若露地無所乏少。若錢若金銀若珍寶若牛羊若穀米。一切所須即得具足悉受快樂。若能以己所作善根最勝之分迴與我者。我當終身不遠其人。於所住處至心護念。隨其所求令得成就。應當至心禮如是等諸佛世尊。其名曰寶勝如來。無垢熾寶光明王相如來。金焰光明如來。金百光明照藏如來。金山寶蓋如來。金華焰光相如來。大炬如來。寶相如來。亦應敬禮。信相菩薩。金光明菩薩。金藏菩薩。常悲菩薩。法上菩薩。亦應敬禮。東方阿[門@(人(人*人))]如來。南方寶相如來。西方無量壽佛。北方微妙聲佛

金光明經堅牢地神品第九

爾時地神堅牢白佛言。世尊。是金光明微妙經典。若現在世若未來世。在在處處。若城邑聚落。若山澤空處。若王宮宅。世尊。隨是經典所流布處。是地分中數師子座。令說法者坐其座上。廣演宣說是妙經典。我當在中常作宿衛。隱蔽其身於法座下頂戴其足我聞法已。得服甘露無上法味增益身力而此大地深十六萬八千由旬。從

金剛際至海地上。悉得眾味增長具足。豐壤肥濃過於今日。以是之故。閻浮提內藥草樹木。根莖枝葉華果滋茂。美色香味皆悉具足。眾生食已增長壽命色力辯安。六情諸根具足通利。威德顏貌端嚴殊特。成就如是種種等已。所作事業多得成辯。有大勢力精勤勇猛。是故世尊。閻浮提內安隱豐樂人民熾盛。一切眾生多受快樂。應心適意隨其所樂。是諸眾生得是威德大勢力已。能供養是金光明經。及恭敬供養持是經者四部之眾。我於爾時當往其所為諸眾生受快樂故。請說法者廣令宣布如是妙典何以故。世尊。是金光明若廣說時。我及眷屬所得功德倍過於常。增長身力心進勇銳。世尊。我服甘露無上味已。閻浮提地縱廣七千由旬豐壤倍常。世尊。如是大地眾生所依。悉能增長一切所須之物。增長一切所須物已。令諸眾生隨意所用受於快樂。種種飲食衣服臥具。宮殿屋宅樹木林苑。河池井泉。如是等物依因於地悉皆具足。是故世尊。是諸眾生為知我恩應作是念。我當必定聽受是經。供養恭敬尊重讚歎。作是念已。即從住處若城邑聚落舍宅空地。往法會所聽受是經。既聽受已還其所止各應相慶作如是言。我等今者聞此甚深無上妙法。已為攝取不可思議功德之聚。值遇無量無邊諸佛。三惡道報已得解脫。於未來世常生天上人中受樂。是諸眾生各於住處。若為他人演說是經。若說一喻一品一緣。若復稱歎一佛一菩薩一四句偈乃至一句。及稱是經首題名字。世尊。隨是眾生所住之處。其地具足豐壤肥濃過於餘地。凡是因地所生之物。悉得增長滋茂廣大。令諸眾生受於快樂。多饒財寶好行惠施。心常堅固深信三寶

爾時佛告地神堅牢。若有眾生。乃至聞是金光明經一句之義。人中命終隨意往生三十三天。地神。若有眾生。為欲供養是經典故莊嚴屋宅。乃至張懸一幡一蓋及以一衣。欲界六天已有自然七寶宮殿。是人命終即往生彼。地神。於諸七寶宮殿之中。各各自然有七天女。共相娛樂日夜常受不可思議微妙快樂。爾時地神白佛言。世尊。以是因緣。說法比丘坐法座時。我常晝夜衛護不離。隱蔽其形在法座下頂戴其足。世尊。若有眾生於百千佛所種諸善根。是說法者為是等故。於閻浮提廣宣流布是妙經典令不斷絕。是諸眾生聽是經已。未來之世無量百千那由他劫。於天上人中常受快樂。值遇諸佛疾成阿耨多羅三藐三菩提。三惡道苦悉斷無餘

金光明經卷第二

金光明經卷第三

[原文：北涼三藏法師曇無讖譯，依藏譯和英譯本而有所增減]

金光明經散脂藥叉品第十

爾時散脂藥叉大將。及二十八部諸藥叉等。即從座起。偏袒右肩右膝著地。白佛言。世尊。是金光明微妙經典。若現在世及未來世。在在處處若城邑聚落。若山澤空處若王宮宅。隨是經典所流布處。我當與此二十八部大藥叉等。往至彼所隱蔽其形。隨逐擁護是說法者。消滅諸惡令得安隱。及聽法眾若男若女童男童女。於是經

中乃至得聞一如來名一菩薩名及此經典首題名字。受持讀誦。我當隨侍宿衛擁護悉滅其惡令得安隱。及國邑城郭。若王宮殿。舍宅空處。皆亦如是。世尊。何故我名正了知藥叉大將。此之因緣。是佛親證。我知諸法。我曉一切法。隨所有一切法。如所有一切法。諸法種類體性差別。世尊。如是諸法我能了知。我有難思智光。我有難思智炬。我有難思智行。我有難思智聚。我於難思智境。而能通達。世尊。如我於一切法。正知正曉正覺。能正觀察。世尊。以是因緣我藥叉大將名正了知。世尊。我散脂大將。令說法者莊嚴言辭辯不斷絕。眾味精氣從毛孔入。充益身力心進勇銳。成就不可思議智慧入正憶念。如是等事悉令具足心無疲厭。身受諸樂心得歡喜。以是意故。能為眾生廣說是經。若有眾生。於百千佛所種諸善根。說法之人。為是眾生於閻浮提內。廣宣流布是妙經典令不斷絕。無量眾生聞是經已。當得不可思議智聚。攝取不可思議功德之聚。於未來世無量百千劫。人天之中常受快樂。於未來世值遇諸佛。疾得證成阿耨多羅三藐三菩提。一切眾苦三惡趣分永滅無餘。

金光明經王法正論品第十一

南無寶華功德海琉璃金山光照如來應供正遍知。南無無量百千億那由他莊嚴其身釋迦如來應供正遍知。熾然如是微妙法炬。南無第一威德成就眾事大功德天。南無不可思量智慧功德成就大辯天。爾時佛告地神堅牢。過去有王名力尊相其王有子名曰信相。不久當受灌頂之位統領國土。爾時父王告其太子信相。世有正論。善治國土。我於昔時曾為太子。不久亦當紹父王位。爾時父王持是正論。亦為我說。我以是論於二萬歲善治國土。未曾一念以非法行。於自眷屬情無愛著。何等名為治世正論。地神。爾時力尊相王為信相太子。說是偈言

| | | |
|-------|------|------|
| 我今當說 | 諸王正論 | 為利眾生 |
| 斷諸疑惑 | 一切人王 | 諸天天王 |
| 應當歡喜 | 合掌諦聽 | 諸王和合 |
| 集金剛山 | 護世四鎮 | 起問梵王 |
| 大師梵尊 | 天中自在 | 能除疑惑 |
| 當為我斷 | 云何是人 | 得名為天 |
| 云何人王 | 復名天子 | 生在人中 |
| 處王宮殿 | 正法治世 | 而名為天 |
| 護世四王 | 問是事已 | 時梵尊師 |
| 即說偈言 | 汝今雖以 | 此義問我 |
| 我要當為 | 一切眾生 | 敷揚宣暢 |
| 第一勝論 | 因集業故 | 生於人中 |
| 王領國土 | 故稱人王 | 處在胎中 |
| 諸天守護 | 或先守護 | 然後入胎 |
| 雖在在人中 | 生為人王 | 以天護故 |
| 復稱天子 | 三十三天 | 各以己德 |
| 分與是人 | 故稱天子 | 神力所加 |
| 故得自在 | 遠離惡法 | 遮令不起 |

安住善法
多生天上
羅剎魁膾
教誨修善
善惡諸業
諸天所護
不治其罪
增長惡趣
三十三天
縱惡不治
他方怨敵
錢財珍寶
由法得王
其國殄滅
暴風卒起
日月無光
由王捨正
悉懷愁惱
是諸天王
與惡爲伴
以天瞋故
姦詐鬥訟
諸天即便
生大愁惱
孤迸流離
二日並現
人民飢餓
捨離薨亡
諸家財產
刀兵而死
諸惡疾疫
所任大臣
如是行惡
日日衰滅
見修善者
三異並起
破壞甘露
及以地肥
故天降雹
滋味衰減
甘美盛果

修令增廣
半名人王
能遮諸惡
示現果報
現在未來
若有惡事
不以正教
故使國中
各生瞋恨
壞國正法
競來侵掠
諸惡盜賊
依法治世
譬如狂象
屢降惡雨
五穀果實
使國饑饉
由王暴虛
各相謂言
以造惡故
不久國敗
疾疫惡病
捨離是王
兄弟姊妹
身亦滅亡
他方惡賊
多諸疾疫
象馬車乘
國土所有
五星諸宿
流遍其國
及諸群僚
偏受恩遇
於行惡者
心不顧錄
星宿失度
無上正法
恭敬弊惡
飢餓疫病
多病眾生
日日損減

能令眾生
亦名執樂
亦名父母
諸天所護
現受果報
縱而不問
捨遠善法
多諸姦鬥
由其國王
姦詐熾盛
自家所有
共來劫奪
若不行者
踏蓮花池
惡星數出
咸不滋茂
天於宮殿
不修善事
是王行惡
速得天瞋
非法兵仗
集其國土
令其國敗
眷屬妻子
流星數墮
侵掠其土
所重大臣
一念喪滅
互相劫奪
違失常度
諸受寵祿
專行非法
修善法者
而生恭敬
故使世間
降暴風雨
眾生等類
毀諸善人
穀米果實
充滿其國
苦澀惡味

隨時增長
悉皆枯悴
精妙上味
顏貌醜陋
不知厭足
懶惰懈怠
逼切其身
若有人王
損人天道
起如是等
愛著眷屬
若為諸天
終不為是
行不善者
皆生焦熱
違逆諸天
則非孝子
不應縱捨
護持是王
現世正治
善不善業
諸天護持
修正治國
為命及國
惡不應縱
惡因多姦
壞於國土
怨恨諸天
彌滿其國
以善化國
不愛眷屬
視親非親
流布三界
常以善心
具足充滿
一切諸天
擁護其子
隨其分齊
無諸災禍
增益人民
諸人王等

本所遊戲
無可樂者
漸漸損減
氣力衰微
力精勇猛
充滿其國
惡星變動
行於非法
於三有中
無量惡事
縱之造惡
所護生者
有行善者
墮在三塗
由王縱惡
及父母敕
起諸姦惡
當正治罪
以滅惡法
得增王位
能示因果
鄰王佐助
有壞國者
修行正法
所有餘事
然後傾敗
譬如大象
故天生惱
是故應隨
不順非法
於親非親
和合為一
正法治國
仰瞻國王
是故正治
愛護人王
故令日月
不失常度
令國豐實
諸天之眾
寧捨身命

可愛之處
眾生所食
食無肥膚
凡所食噉
悉滅無有
多有病苦
羅刹亂行
增長惡伴
多受苦惱
皆由人王
捨而不治
如是人王
得生天中
三十三天
捨而不治
不能正治
壞國土者
是故諸天
修習善故
應各為說
故得為王
為自為他
應當正教
不應行惡
不能壞國
若起多姦
壞蓮華池
起諸惡事
正法治世
寧捨身命
心常平等
正行名稱
人多行善
能令天眾
名為人王
猶如父母
五星諸宿
風雨隨時
安樂熾盛
以是因緣
不應為惡

| | | |
|------|------|------|
| 不應捨離 | 正法珍寶 | 由正法寶 |
| 世人受樂 | 常當親近 | 修正法者 |
| 聚集功德 | 莊嚴其身 | 於自眷屬 |
| 常知止足 | 當遠惡人 | 修治正法 |
| 安止眾生 | 於諸善法 | 教敕防護 |
| 令離不善 | 是故國土 | 安隱豐樂 |
| 是王亦得 | 威德具足 | 隨諸人民 |
| 所行惡法 | 應當調伏 | 如法教詔 |
| 是王當得 | 好名善譽 | 善能攝護 |
| 安樂眾生 | | |

金光明經善集品第十二

| | | |
|------|------|------|
| 我昔曾爲 | 轉輪聖王 | 捨四大地 |
| 及以大海 | 又於是時 | 以四天下 |
| 滿中珍寶 | 奉上諸佛 | 凡所布施 |
| 皆捨所重 | 不見可愛 | 而不捨者 |
| 於過去世 | 無數劫中 | 求正法故 |
| 常捨身命 | 又過去世 | 不可議劫 |
| 有佛世尊 | 名曰寶勝 | 其佛世尊 |
| 般涅槃後 | 時有聖王 | 名曰善集 |
| 於四天下 | 而得自在 | 治正之勢 |
| 盡大海際 | 其王有城 | 名水音尊 |
| 於其城中 | 止住治化 | 夜睡夢中 |
| 聞佛功德 | 及見比丘 | 名曰寶冥 |
| 善能宣暢 | 如來正法 | 所謂金光 |
| 微妙經典 | 明如日中 | 悉能遍照 |
| 是轉輪王 | 夢是事已 | 即尋覺寤 |
| 心喜遍身 | 即出宮殿 | 至僧坊所 |
| 供養恭敬 | 諸大聖眾 | 問諸大德 |
| 是大眾中 | 頗有比丘 | 名曰寶冥 |
| 成就一切 | 諸功德不 | 爾時寶冥 |
| 在一窟中 | 安坐不動 | 思惟正念 |
| 讀誦如是 | 金光明經 | 時有比丘 |
| 即將是王 | 至其所止 | 到寶冥所 |
| 時此寶冥 | 故在窟中 | 形貌殊特 |
| 威德熾然 | 即示王言 | 是窟中者 |
| 即是所問 | 寶冥比丘 | 能持甚深 |
| 諸佛所行 | 名金光明 | 諸經之王 |
| 時善集王 | 即尋禮敬 | 寶冥比丘 |
| 作如是言 | 面如滿月 | 威德熾然 |

| | | |
|----------|------|------|
| 惟願爲我 | 敷演宣說 | 是金光明 |
| 諸經之王 | 時寶冥尊 | 即受王請 |
| 許爲宣說 | 是金光明 | 三千大千 |
| 世界諸天 | 知當說法 | 悉生歡喜 |
| 於淨微妙 | 鮮絜之處 | 種種珍寶 |
| 廁填其地 | 上妙香水 | 持用灑之 |
| 散諸好華 | 遍滿其處 | 王於是時 |
| 自敷法座 | 懸繪幡蓋 | 寶飾交絡 |
| 種種微妙 | 殊特未香 | 悉以奉散 |
| 大法高座 | 一切諸天 | 龍及藥叉 |
| 摩[目*侯]羅伽 | 緊那羅等 | 即雨天上 |
| 曼陀羅華 | 遍散法座 | 滿其處所 |
| 不可思議 | 百千萬億 | 那由他等 |
| 無量諸天 | 一時俱來 | 集說法所 |
| 是時寶冥 | 尋從窟出 | 諸天即時 |
| 以娑羅華 | 供養奉散 | 寶冥比丘 |
| 是時寶冥 | 淨洗身體 | 著淨妙衣 |
| 至法座所 | 合掌敬禮 | 是法高座 |
| 一切天王 | 及諸天人 | 雨曼陀羅 |
| 大曼陀羅 | 摩訶曼殊 | 眾妙寶華 |
| 無量百千 | 種種妓樂 | 於虛空中 |
| 不鼓自鳴 | 寶冥比丘 | 能說法者 |
| 尋上高座 | 結跏趺坐 | 即念十方 |
| 不可思議 | 無量千億 | 諸佛世尊 |
| 於諸眾生 | 興大悲心 | |
| 時說法者 | 即尋爲王 | 敷揚宣說 |
| 是妙經典 | 是時大王 | 爲聞法故 |
| 於比丘前 | 合掌而立 | 聞於正法 |
| 讚言善哉 | 其心悲悼 | 涕淚交流 |
| 尋復踊悅 | 心意熙怡 | 爲欲供養 |
| 此經典故 | 爾時即提 | 如意珠王 |
| 爲諸眾生 | 發大誓願 | 願於今日 |
| 此閻浮提 | 悉雨無量 | 種種珍異 |
| 瑰琦七寶 | 及妙瓔珞 | 以是因緣 |
| 悉令無量 | 一切眾生 | 皆受快樂 |
| 即於爾時 | 尋雨七寶 | 及諸寶飾 |
| 天冠耳璫 | 種種瓔珞 | 甘饌寶座 |
| 悉皆充滿 | 遍四天下 | 時王善集 |
| 即持如是 | 滿四天下 | 無量七寶 |
| 於寶勝佛 | 遺法之中 | 以用布施 |
| 供養三寶 | 爾時爲王 | 說法比丘 |

| | | |
|------|---------------|------|
| 於今現在 | 阿[門@人(人*人)]佛是 | 時善集王 |
| 聽受法者 | 今則我身 | 釋迦文是 |
| 我於爾時 | 捨此大地 | 滿四天下 |
| 珍寶布施 | 得聞如是 | 金光明經 |
| 聞是經已 | 一稱善哉 | 以此善根 |
| 業因緣故 | 身得金色 | 百福莊嚴 |
| 常爲無量 | 百千萬億 | 眾生等類 |
| 之所樂見 | 既得見已 | 無有厭足 |
| 過去九十 | 九億千劫 | 常得作於 |
| 轉輪聖王 | 亦於無量 | 百千劫中 |
| 常得王領 | 諸小國土 | 不可思議 |
| 劫中常作 | 釋提桓因 | 及淨梵王 |
| 復得值遇 | 十力世尊 | 其數無量 |
| 不可稱計 | 所得功德 | 無量無邊 |
| 皆由聞經 | 及稱善哉 | 如我所願 |
| 成就菩提 | 正法之身 | 我今已得 |

金光明經藥叉品第十三

佛告功德天。若有善男子善女人。欲以不可思議妙供養具供養過去未來現在諸佛世尊。及欲得知三世諸佛甚深行處。是人應當必定至心。隨有是經流布之處。若城邑村落舍宅空處。正念不亂。至心聽是微妙經典。爾時世尊欲重宣此義。而說偈言

| | | |
|------|------|------|
| 若欲供養 | 一切諸佛 | 欲知三世 |
| 諸佛行處 | 應當往彼 | 城邑聚落 |
| 有是經處 | 至心聽受 | 是妙經典 |
| 不可思議 | 功德大海 | 無量無邊 |
| 能令一切 | 眾生解脫 | 度無量苦 |
| 諸有大海 | 是經甚深 | 初中後善 |
| 不可得說 | 譬喻爲比 | 假使恒沙 |
| 大地微塵 | 大海諸水 | 一切諸山 |
| 如是等物 | 不得爲喻 | 若入是經 |
| 即入法性 | 如深法性 | 安住其中 |
| 即於是典 | 金光明中 | 而得見我 |
| 釋迦牟尼 | 不可思議 | 阿僧祇劫 |
| 生天人中 | 常受快樂 | 以能信解 |
| 聽是經故 | 如是無量 | 不可思議 |
| 功德福聚 | 悉已得之 | 隨所至處 |
| 若百由旬 | 滿中盛火 | 應從中過 |
| 若至聚落 | 阿蘭若處 | 到法會所 |
| 至心聽受 | 聽是經故 | 惡夢蠱道 |

五星諸宿
消滅無餘
說是經典
若下法座
故有說者
菩薩色像
彌勒大士
種種事已
成就如是
之所讚歎
有大名稱
能令退散
惡夢惱心
皆悉寂滅
名聞流布
一切怨敵
入陣得勝
三十三天
藥叉諸王
及緊那羅
阿脩羅王
及功德天
常當供養
法塔之想
諸天王等
令是眾生
若能來至
成上善根
故嚴出往
思議正信
如是大悲
深法寶器
由以淨心
悉已供養
以是善根
是金光明
諸天神王
護世四王
晝夜精進
永離諸苦
閻摩羅王

變異災禍
於說法處
書寫讀誦
爾時大眾
或佛世尊
普賢菩薩
及諸形像
尋復滅盡
諸功德已
威德相貌
能卻怨家
勇捍多力
無量惡業
若入軍陣
遍閻浮提
遠離諸惡
心常歡喜
護世四王
散脂大將
阿耨達龍
迦樓羅王
如是上首
是聽法者
眾生見者
亦各思惟
無量威德
是法會所
若有聽是
法會之處
供養恭敬
利益眾生
能入甚深
聽是經典
過去無量
無量因緣
如是眾生
之所愛護
無量藥叉
擁護四方
釋提桓因
風水諸神

一切惡事
蓮華座上
是說法者
猶見坐處
或見佛像
文殊師利
見如是等
如前無異
而爲諸佛
無量無邊
他方盜賊
能破強敵
如是惡事
常能勝他
亦能摧伏
修習諸善
大梵天王
金剛密跡
禪那英鬼
娑羯羅王
大辯天神
諸天神等
生不思議
恭敬歡喜
而相謂言
皆悉成就
如是之人
甚深經典
心生不可
無上法塔
即是無量
無上法性
如是之人
百千諸佛
應當聽受
常爲無量
大辯功德
及諸力士
令無災禍
及日月天
違馱天神

| | | |
|------------|----------|------|
| 及毘紐天 | 大辯天神 | 及自在天 |
| 火神等神 | 大力勇猛 | 常護世間 |
| 晝夜不離 | 大力鬼王 | 那羅延等 |
| 摩醯首羅 | 二十八部 | 諸藥叉等 |
| 散脂爲首 | 百千藥叉 | 神足大力 |
| 擁護是等 | 令不怖畏 | 金剛密跡 |
| 大藥叉王 | 及其眷屬 | 五百徒黨 |
| 一切皆是 | 大菩薩等 | 亦悉擁護 |
| 聽是經者 | 摩尼跋陀 | 大藥叉王 |
| 富那跋陀 | 及金毘羅 | 阿羅婆帝 |
| 賓頭盧伽 | 黃頭大神 | 一一諸神 |
| 各有五百 | 眷屬藥叉 | 亦常擁護 |
| 聽是經者 | 質多斯那 | 阿脩羅王 |
| 及乾闥婆 | 那羅羅闍 | 祁那娑婆 |
| 摩尼乾陀 | 及尼捷陀 | 主雨大神 |
| 大飲食神 | 摩訶伽吒 | 金色髮神 |
| 半祁藥叉 | 及半[敲-高]羅 | 車鉢羅婆 |
| 有大威德 | 婆那利神 | 曇摩跋羅 |
| 摩竭婆羅 | 針髮藥叉 | 繡利蜜多 |
| 勤那翅奢 | 摩訶婆那 | 及軍陀遮 |
| 劍摩舍帝 | 復有大神 | 奢羅蜜帝 |
| 醯摩跋陀 | 薩多琦梨 | 多醯波醯 |
| 阿伽跋羅 | 支羅摩伽 | 央掘摩羅 |
| 如是等神 | 皆有無量 | 神足大力 |
| 常勤擁護 | 聽受如是 | 微妙經者 |
| 阿耨達龍 | 娑伽羅王 | 目真鄰王 |
| 伊羅鉢王 | 難陀龍王 | 跋難陀王 |
| 有如是等 | 百千龍王 | 以大神力 |
| 常來擁護 | 聽是經者 | 晝夜不離 |
| 波利羅[目*侯] | 阿脩羅王 | 毘摩質多 |
| 及以[竺-二+戊]脂 | 睽摩利子 | 波訶梨子 |
| 佉羅騫陀 | 及以捷陀 | 是等皆是 |
| 阿脩羅王 | 有大神力 | 常來擁護 |
| 聽是經者 | 晝夜不離 | 訶利帝南 |
| 鬼子母等 | 及五百神 | 常來擁護 |
| 聽是經者 | 若睡若寤 | 旃陀旃陀 |
| 利大藥叉 | 女等鳩羅 | 鳩羅檀提 |
| 嗽人精氣 | 如是等神 | 皆有大力 |
| 常勤擁護 | 十方世界 | 受持經者 |
| 大辯天等 | 無量天女 | 功德天等 |
| 各與眷屬 | 地神堅牢 | 種植園林 |

| | | |
|----------|------|------|
| 果實大神 | 如是諸神 | 心生歡喜 |
| 悉來擁護 | 愛樂親近 | 是經典者 |
| 於諸眾生 | 增命色力 | 功德威貌 |
| 莊嚴倍常 | 五星諸宿 | 變異災怪 |
| 皆悉能滅 | 無有遺餘 | 夜臥惡夢 |
| 寤則憂悴 | 如是惡事 | 皆悉滅盡 |
| 地神大力 | 勢分甚深 | 是經力故 |
| 能變其味 | 如是大地 | 至金剛際 |
| 厚十六萬 | 八千由旬 | 其中氣味 |
| 無不遍有 | 悉令涌出 | 潤益眾生 |
| 是經力故 | 能令地味 | 悉出地上 |
| 厚百由旬 | 亦令諸天 | 大得精氣 |
| 充益身力 | 歡喜快樂 | 閻浮提內 |
| 所有諸神 | 心生歡喜 | 受樂無量 |
| 是經力故 | 諸天歡喜 | 百穀果實 |
| 皆悉滋茂 | 園苑叢林 | 其華開敷 |
| 香氣馥[香*分] | 充溢彌滿 | 百草樹木 |
| 生長端直 | 其體柔軟 | 無有斜戾 |
| 閻浮提內 | 所有龍女 | 其數無量 |
| 不可思議 | 心生歡喜 | 踊躍無量 |
| 在在處處 | 莊嚴華池 | 於其池中 |
| 生種種華 | 優鉢羅華 | 波頭摩華 |
| 拘物頭華 | 分陀利華 | 於自宮殿 |
| 除諸雲霧 | 令虛空中 | 無有塵翳 |
| 諸方清徹 | 淨潔明了 | 日王赫焰 |
| 放千光明 | 歡喜踊躍 | 照諸閻蔽 |
| 閻浮檀金 | 以爲宮殿 | 止住其中 |
| 威德無量 | 日之天子 | 及以月天 |
| 聞是經故 | 精氣充實 | 是日天子 |
| 出閻浮提 | 心生歡喜 | 放於無量 |
| 光明明網 | 遍照諸方 | 即於出時 |
| 放大光網 | 開敷種種 | 諸池蓮華 |
| 閻浮提內 | 無量果實 | 隨時成熟 |
| 飽諸眾生 | 是時日月 | 所照殊勝 |
| 星宿正行 | 不失度數 | 風雨隨時 |
| 豐實熾盛 | 多饒財寶 | 無所乏少 |
| 是金光明 | 微妙經典 | 隨所流布 |
| 讀誦之處 | 其國土境 | 即得增益 |
| 如上所說 | 無量功德 | |

金光明經授記品第十四

爾時如來。將欲爲是信相菩薩及其二子銀相銀光。授阿耨多羅三藐三菩提記。是時即有十千天子。威德熾王而爲上首。俱從忉利來至佛所。頂禮佛足卻坐一面。爾時佛告信相菩薩。汝於來世。過無量無邊百千萬億不可稱計那由他劫。金照世界。當成阿耨多羅三藐三菩提。號金寶蓋山王如來應供正遍知明行足善逝世間解無上士調御丈夫天人師佛世尊。乃至是佛般涅槃後。正法像法皆滅盡已。長子銀相。當於是界次補佛處。世界爾時轉名淨幢。佛名閻浮檀金幢光照明如來應供正遍知明行足善逝世間解無上士調御丈夫天人師佛世尊。乃至是佛般涅槃後。正法像法悉滅盡已。次子銀光。復於是後次補佛處。世界名字如本不異。佛號曰金光照如來應供正遍知明行足善逝世間解無上士調御丈夫天人師佛世尊。

是十千天子。聞三大士得受記[卅/別]。復聞如是金光明經。聞已歡喜生殷重心。心無垢累如淨琉璃。清淨無礙猶如虛空。爾時如來。知是十千天子善根成熟。即便與授菩提道記。汝等天子。於當來世。過阿僧祇百千萬億那由他劫。於是世界。當成阿耨多羅三藐三菩提。同共一家一姓一名。號曰青目優鉢羅華香山如來應供正遍知明行足善逝世間解無上士調御丈夫天人師佛世尊。如是次第出現於世凡一萬佛。

爾時道場菩提樹神。名等增益。白佛言。世尊。是十千天子。於忉利宮爲聽法故故來集此。云何如來便與授記。世尊。我未曾聞。是諸天子修行具足六波羅蜜。亦未曾聞捨於手足頭目髓腦。所愛妻子財寶穀帛。金銀琉璃磚磔碼瑙。真珠珊瑚珂貝璧玉。甘饌飲食衣服臥具。病瘦醫藥象馬車乘。殿堂屋宅園林泉池奴婢僕使。如餘無量百千菩薩。以種種資生供養之具。恭敬供養過去無量百千萬億那由他等諸佛世尊。如是菩薩於未來世。亦捨無量所重之物頭目髓腦所愛妻子財寶穀帛乃至僕使。次第修行。成就具足六波羅蜜。成就是已備修苦行。動經無量無邊劫數。然後方得受菩提記。世尊。是天子等何因何緣。修行何等勝妙善根。從彼天來暫得聞法便得受記。惟願世尊。爲我解說斷我疑網。

爾時佛告樹神善女天。皆有因緣。有妙善根。以隨相修。何以故。以是天子於所住處捨五欲樂。故來聽是金光明經。既聞法已。於是經中淨心殷重如說修行。復得聞此三大菩薩受於記[卅/別]。亦以過去本昔發心誓願因緣。是故我今皆與受記。於未來世。當成阿耨多羅三藐三菩提

金光明經除病品第十五

佛告道場菩提樹神。善女天。諦聽諦聽。善持憶念。我當爲汝演說往昔誓願因緣。過去無量不可思議阿僧祇劫。爾時有佛出現於世。名曰寶勝如來應供正遍知明行足善逝世間解無上士調御丈夫天人師佛世尊。善女天。爾時是佛般涅槃後正法滅已。於像法中有王名曰天自在光王。修行正法如法治世。人民和順孝養父母。是王國中有一長者名曰持水。善知醫方救諸病苦。方便巧知四大增損。善女天。爾時持水長者家中。後生一子名曰流水。體貌殊勝端正第一。形色微妙威德具足。受性聰敏善解諸論。種種技藝書疏算計無不通達。是時國內天降疫病。有無量百千諸眾生等。皆無免者。爲諸苦惱之所逼切。

善女天。爾時流水長者子。見是無量百千眾生受諸苦惱故。爲是眾生生大悲心。作是思惟。如是無量百千眾生受諸苦惱。我父長者。雖善醫方能救諸苦方便巧知四大增損。年已衰邁老耄枯悴。皮緩面皺羸瘦顫掉。行來往反要因几杖。困頓疲乏不能至彼城邑聚落。而是無量百千眾生。復遇重病無能救者。我今當至大醫父所諮問治病醫方祕法。諮稟知己。當至城邑聚落村舍治諸眾生種種重病。悉令得脫無量諸苦。時長者子思惟是已。即至父所頭面著地。爲父作禮叉手卻住。以四大增損而問於父。即說偈言

| | | |
|------|------|------|
| 云何當知 | 四大諸根 | 衰損代謝 |
| 而得諸病 | 云何當知 | 飲食時節 |
| 若食食已 | 身火不滅 | 云何當知 |
| 治風及熱 | 水過肺病 | 及以等分 |
| 何時動風 | 何時動熱 | 何時動水 |
| 以害眾生 | 時父長者 | 即以偈頌 |
| 解說醫方 | 而答其子 | 三月是夏 |
| 三月是秋 | 三月是冬 | 三月是春 |
| 是十二月 | 三三而說 | 從如是數 |
| 一歲四時 | 若二二說 | 足滿六時 |
| 三三本攝 | 二二現時 | 隨是時節 |
| 消息飲食 | 是能益身 | 醫方所說 |
| 隨時歲中 | 諸根四大 | 代謝增損 |
| 令身得病 | 有善醫師 | 隨順四時 |
| 三月將養 | 調和六大 | 隨病飲食 |
| 及以湯藥 | 多風病者 | 夏則發動 |
| 其熱病者 | 秋則發動 | 等分病者 |
| 冬則發動 | 其肺病者 | 春則增劇 |
| 有風病者 | 夏則應服 | 肥膩鹹酢 |
| 及以熱食 | 有熱病者 | 秋服冷甜 |
| 等分冬服 | 甜酢肥膩 | 肺病春服 |
| 肥膩辛熱 | 飽食然後 | 則發肺病 |
| 於食消時 | 則發熱病 | 食消已後 |
| 則發風病 | 如是四大 | 隨三時發 |
| 風病羸損 | 補以酥膩 | 熱病下藥 |
| 服訶梨勒 | 等病應服 | 三種妙藥 |
| 所謂甜辛 | 及以酥膩 | 肺病應服 |
| 隨能吐藥 | 若風熱病 | 肺病等分 |
| 違時而發 | 應當任師 | 籌量隨病 |
| 飲食湯藥 | | |

善女天。爾時流水長者子。問其父醫四大增損。因是得了一切醫方。時長者子知醫方已。遍至國內城邑聚落。在在處處隨有眾生痛苦者所。軟言慰喻作如是言。我是

醫師我是醫師。善知方藥。今當爲汝療治救濟悉令除愈。善女天。爾時眾生聞長者子軟言慰喻許爲治病。心生歡喜踊躍無量。時有百千無量眾生。遇極重病。直聞是言。心歡喜故。種種所患即得除差。平復如本氣力充實。善女天。復有無量百千眾生。病苦深重難除差者。即共來至長者子所。時長者子。即以妙藥授之令服。服已除差亦得平復。善女天。是長者子。於其國內治諸眾生所有病苦悉得除差

金光明經卷第三

金光明經卷第四

[原文：北涼三藏法師曇無讖譯，依藏譯和英譯本而有所增減]

金光明經流水長者子品第十六

佛告樹神。爾時流水長者子。於天自在光王國內。治一切眾生無量苦患已。令其身體平復如本。受諸快樂。以病除故多設福業。修行布施。尊重恭敬是長者子。作如是言。善哉長者。能大增長福德之事。能益眾生無量壽命。汝今真是大醫之王。善治眾生無量重病。必是菩薩善解方藥。善女天。時長者子。有妻名曰水空龍藏。而生二子。一名水空。二名水藏。

時長者子將是二子。次第遊行城邑聚落。最後到一大空澤中。見諸虎狼狐犬鳥獸多食肉血。悉皆一向馳奔而去。時長者子作是念言。是諸禽獸何因緣故一向馳走。我當隨後逐而觀之。時長者子遂便隨逐。見有一池其水枯涸。於其池中多有諸魚。時長者子見是魚已生大悲心。時有樹神示現半身。作如是言。善哉善哉。大善男子。此魚可愍汝可與水。是故號汝名爲流水。復有二緣名爲流水。一能流水。二能與水。汝今應當隨名定實。時長者子問樹神言。此魚頭數爲有幾所。樹神答言。其數具足足滿十千。善女天。爾時流水聞是數已。倍復增益生大悲心。善女天。時此空池爲日所曝唯少水在。是十千魚將入死門。四向宛轉見是長者心生恃賴。隨是長者所至方面。隨逐瞻視目未曾捨。是時長者馳趣四方。推求索水了不能得。便四顧望見有大樹尋取枝葉。還到池上與作陰涼。作陰涼已復更推求是池中水本從何來。即出四向周遍求覓莫知水處。復更疾走遠至餘處。見一大河名曰水生。爾時復有諸餘惡人。爲捕此魚故。於上流懸險之處。決棄其水不令下過。然其決處懸險難補。計當修治經九十日。百千人功猶不能成。況我一身。

時長者子。速疾還反至大王所。頭面禮拜卻住一面。合掌向王說其因緣。作如是言。我爲大王國土人民治種種病。漸漸遊行至彼空澤。見有一池其水枯涸。有十千魚爲日所曝。今日困厄將死不久。惟願大王。借二十大象令得負水濟彼魚命。如我與諸病人壽命。爾時大王即敕大臣。速疾供給。爾時大臣奉王告敕。語是長者。善哉大士。汝今自可至象廄中隨意選取。利益眾生令得快樂。是時流水及其二子。將二十大象。從治城人借索皮囊。疾至彼河上流決處。盛水象負。馳疾奔還至空澤

池。從象背上下其囊水寫置池中。水遂彌滿還復如本。時長者子。於池四邊彷徨而行。是魚爾時亦復隨逐循岸而行時長者子。復作是念。是魚何緣隨我而行。是魚必為飢火所惱。復欲從我求索飲食。我今當與。善女天。爾時流水長者子。告其子言。汝取一象最大力者。速至家中啓父長者。家中所有可食之物。乃至父母飲噉之分。及以妻子奴婢之分。一切聚集悉載象上急速來還。爾時二子如父教敕。乘最大象往至家中。白其祖父說如上事。爾時二子。收取家中可食之物。載象背上疾還父所至空澤池。時長者子見其子還心生歡喜踊躍無量。從子邊取飲食之物散著池中。

與魚食已即自思惟。我今已能與此魚食令其飽滿。未來之世當施法食。復更思惟。曾聞過去空閑之處有一比丘。讀誦大乘方等經典。其經中說。若有眾生臨命終時。得聞寶勝如來名號即生天上。我今當為是十千魚解說甚深十二因緣。亦當稱說寶勝佛名。時閻浮提中有二種人。一者深信大乘方等。二者毀訾不生信樂。時長者子作是思惟。我今當入池水之中為是諸魚說深妙法。思惟是已。即便入水作如是言。南無過去寶勝如來應供正遍知明行足善逝世間解無上士調御丈夫天人師佛世尊。寶勝如來本往昔時。行菩薩道作是誓願。若有眾生。於十方界臨命終時聞我名者。當令是輩即命終已尋得上生三十三天。

爾時流水復為是魚。解說如是甚深妙法。此有故彼有。此生故彼生。所謂無明緣行。行緣識。識緣名色。名色緣六處。六處緣觸。觸緣受。受緣愛。愛緣取。取緣有。有緣生。生緣老死憂悲苦惱。此滅故彼滅。所謂無明滅則行滅。行滅則識滅。識滅則名色滅。名色滅則六處滅。六處滅則觸滅。觸滅則受滅。受滅則愛滅。愛滅則取滅。取滅則有滅。有滅則生滅。生滅則老死滅。老死滅則憂悲苦惱滅。如是純極苦蘊。悉皆除滅。

善女天。爾時流水長者子及其二子。說是法已即共還家。是長者子復於後時。賓客聚會醉酒而臥。爾時其地卒大震動。時十千魚同日命終。既命終已生忉利天。既生天已作是思惟。我等以何善業因緣。得生於此忉利天中。復相謂言。我等先於閻浮提內。墮畜生中受於魚身。流水長者子。與我等水及以飲食。復為我等解說甚深十二因緣。并稱寶勝如來名號。以是因緣令我等輩得生此天是故我等今當往至長者子所報恩供養。爾時十千天子。從忉利天下閻浮提。至流水長者子大醫王家。時長者子在樓屋上露臥眠睡。是十千天子。以十千真珠天妙瓔珞置其頭邊。復以十千置其足邊。復以十千置右脅邊。復以十千置左脅邊。雨曼陀羅華摩訶曼陀羅華。積至于膝。作種種天樂出妙音聲。閻浮提中。有睡眠者皆悉覺寤。流水長者子亦從睡寤。是十千天子。於上空中飛騰遊行。於天自在光王國內。處處皆雨天妙蓮華。是諸天子復至本處空澤池所復雨天華。便從此沒還忉利宮。隨意自在受天五欲。

時閻浮提過是夜已。天自在光王。問諸大臣。昨夜何緣。示現如是淨妙瑞相有大光明。大臣答言。大王當知。忉利諸天於流水長者子家。雨四十千真珠瓔珞及不可計曼陀羅華。王即告臣。卿可往至彼長者家善言誘喻喚令使來。大臣受敕即至其家。宣王教令喚是長者。是時長者尋至王所。王問長者。何緣示現如是瑞相。長者子言。我必定知是十千魚其命已終。時大王言。今可遣人審實是事。爾時流水。尋遣

其子至彼池所。看是諸魚死活定實。爾時其子聞是語已。向於彼池既至池已。見其池中多有摩訶曼陀羅華。積聚成[卅/積]。其中諸魚悉皆命終。見已即還白其父言。彼諸魚等悉已命終。爾時流水知是事已。復至王所作如是言。是十千魚悉皆命終。王聞是已心生歡喜。

爾時世尊。告道場菩提樹神。善女天。欲知爾時流水長者子。今我身是。長子水空。今羅[目*侯]羅是。次子水藏。今阿難是。時十千魚者。今十千天子是。因我往昔以水濟魚與食令飽。為說甚深十二緣起。又為稱彼寶勝佛名。因此善根得生天上。今來我所歡喜聽法。我皆當為授於阿耨多羅三藐三菩提記說其名號。爾時樹神現半身者。今汝身是。善女天。如我往昔於生死中輪迴諸有廣為利益。今無量眾生悉令次第成無上覺與其授記。汝等皆應勤求出離勿為放逸。爾時大眾聞說是已悉皆悟解。由大慈悲救護一切。勤修苦行。方能證獲無上菩提。咸發深心。信受歡喜

金光明經捨身品第十七

爾時道場菩提樹神復白佛言。世尊。我聞世尊過去修行菩薩道時。具受無量百千苦行。捐捨身命肉血骨髓。惟願世尊。少說往昔苦行因緣。為利眾生受諸快樂。爾時世尊即現神足。神足力故令此大地六種震動。於大講堂眾會之中。有七寶塔從地涌出。眾寶羅網彌覆其上。爾時大眾見是事已生希有心。爾時世尊。即從座起禮拜是塔。恭敬圍繞還就本座。爾時道場菩提樹神白佛言。世尊。如來世雄出現於世。常為一切之所恭敬。於諸眾生最勝最尊。何因緣故禮拜是塔。佛言。善女天。我本修行菩薩道時。我身舍利安止是塔。因由是身令我早成阿耨多羅三藐三菩提。爾時佛告尊者阿難。汝可開塔取中舍利示此大眾。是舍利者。乃是無量六波羅蜜功德所熏。爾時阿難。聞佛教敕即往塔所。禮拜供養開其塔戶。見其塔中有七寶函。以手開函。見其舍利色妙紅白。而白佛言。世尊。是中舍利其色紅白。佛告阿難。汝可持來。此是大士真身舍利。爾時阿難即舉寶函。還至佛所持以上佛。爾時佛告一切大眾。汝等今可禮是舍利。此舍利者是戒定慧之所熏修甚難可得最上福田。爾時大眾聞是語已。心懷歡喜即從座起。合掌敬禮大士舍利。

爾時世尊。欲為大眾斷疑網故。說是舍利往昔因緣。阿難。過去之世有王名曰摩訶羅陀。修行善法善治國土無有怨敵。時有三子端正微妙。形色殊特。威德第一。第一大子名曰摩訶波那羅。次子名曰摩訶提婆。小子名曰摩訶薩埵。是三王子。於諸園林遊戲觀看。次第漸到一大竹林憩駕止息。第一王子作如是言。我於今日心甚怖懼。於是林中將無衰損。第二王子復作是言。我於今日不自惜身。但離所愛心憂愁耳。第三王子復作是言。我於今日獨無怖懼亦無愁惱。山中空寂神仙所讚。是處閑靜能令行人安隱受樂。時諸王子說是語已。轉復前行見有一虎。適產七日而有五子。圍繞周匝飢餓窮悴。身體羸瘦命將欲絕。第一王子。見是虎已。作如是言。怪哉此虎產來七日。五子圍繞不得求食。若為飢逼必還噉子。第三王子言。此虎經常所食何物。第一王子言。此虎唯食新熟肉血。第三王子言。君等誰能與此虎食。第二王子言。此虎飢餓身體羸瘦。窮困頓乏餘命無幾。不容餘處為其求食。設餘求者命必不濟。誰能為此不惜身命。第一王子言。一切難捨不過己身。第三王子言。我

等今者以貪惜故。於此身命不能放捨。智慧薄少故於是事而生驚怖。若諸大士欲利益他。生大悲心爲眾生者。捨此身命不足爲難。時諸王子心大愁憂。久住視之目未曾捨。作是觀已尋便離去。

爾時第三王子。作是念言。我今捨身時已到矣。何以故。我從昔來多棄是身都無所爲。亦常愛護處之屋宅。又復供給衣服飲食臥具醫藥象馬車乘。隨時將養令無所乏。而不知恩反生怨害。然復不免無常敗壞。復次是身不堅無所利益。可惡如賊猶若行廁。我於今日。當使此身作無上業。於生死海中作大橋梁。復次若捨此身。即捨無量癰疽瘰癧百千怖畏。是身唯有大小便利。是身不堅如水上沫。是身不淨多諸蟲戶。是身可惡[卅肋]纏血塗。皮骨髓腦共相連持。如是觀察甚可患厭。是故我今應當捨離。以求寂滅無上涅槃。永離憂患無常變異。生死休息無諸塵累。無量禪定智慧功德。具足成就微妙法身。百福莊嚴諸佛所讚。證成如是無上法身。與諸眾生無量法樂。是時王子勇猛堪任。作是大願。以上大悲熏修其心。慮其二兄心懷怖懼。或恐固遮爲作留難。即便語言。兄等今者可與眷屬還其所止。

爾時王子摩訶薩埵。還至虎所脫身衣裳置竹枝上。作是誓言。我今爲利諸眾生故。證於最勝無上道故。大悲不動捨難捨故。爲求菩提智所讚故。欲度三有諸眾生故欲滅生死怖畏熱惱故。是時王子作是誓已。即自放身臥餓虎前。是時王子以大悲力故虎無能爲。王子復作如是念言。虎今羸瘦身無勢力。不能得我身血肉食。即起求刁周遍求之了不能得。即以乾竹刺頸出血。於高山上投身虎前。是時大地六種震動。日無精光如羅[目*侯]羅阿修羅王捉持障蔽。又雨雜華種種妙香。時虛空中有諸餘天。見是事已心生歡喜歎未曾有。讚言。善哉善哉。大士。汝今真是行大悲者。爲眾生故能捨難捨。於諸學人第一勇健。汝已爲得諸佛所讚。常樂住處不久當證無惱無熱清涼涅槃。是虎爾時見血流出污王子身。即便舐血噉食其肉唯留餘骨。爾時第一王子見地大動。爲第二王子而說偈言

| | | |
|------|------|------|
| 震動大地 | 及以大海 | 日無精光 |
| 如有覆蔽 | 於上虛空 | 雨諸華香 |
| 必是我弟 | 捨所愛身 | |

第二王子復說偈言

| | | |
|------|------|------|
| 彼虎產來 | 已經七日 | 五子圍繞 |
| 窮無飲食 | 氣力羸損 | 命不云遠 |
| 小弟大悲 | 知其窮悴 | 懼不堪忍 |
| 還食其子 | 恐定捨身 | 以救彼命 |

時二王子心大愁怖。涕泣悲歎容貌憔悴。復共相將還至虎所。見弟所著帔服衣裳。皆悉在一竹枝之上。骸骨髮爪布散狼藉。流血處處遍污其地。見已悶絕不自勝持。投身骨上良久乃蘇。即起舉首號天而哭。我弟幼稚才能過人。特爲父母之所愛念。奄忽捨身以飼餓虎。我今還宮。父母說問當云何答。我寧在此併命一處。不忍見是骸骨髮爪。何心捨離還見父母妻子眷屬朋友知識。時二王子悲號懊惱漸捨而去。時

小王子所將侍從。各散諸方互相謂言。今者我天爲何所在。爾時王妃於睡眠中。夢乳被割牙齒墮落。得三鴿雛一爲鷹食。爾時王妃。大地動時即便驚寤。心生愁怖而說偈言

| | | |
|------|----------|------|
| 今日何故 | 大地大水 | 一切皆動 |
| 物不安所 | 日無精光 | 如有覆蔽 |
| 我心憂苦 | 目睫[目*闔]動 | 如我今者 |
| 所見瑞相 | 必有災異 | 不祥苦惱 |

於是王妃說是偈已。時有青衣在外已聞王子消息。心驚惶怖尋即入內。啓白王妃作如是言。向者在外聞諸侍從推覓王子不知所在。王妃聞已生大憂惱。涕泣滿目至大王所。我於向者傳聞外人。失我最小所愛之子。大王聞已而復悶絕。悲哽苦惱拭淚而言。如何今日失我心中所愛重者。爾時世尊欲重宣此義。而說偈言

| | | |
|------|------|------|
| 我於往昔 | 無量劫中 | 捨所重身 |
| 以求菩提 | 若爲國王 | 及作王子 |
| 常捨難捨 | 以求菩提 | 我念宿命 |
| 有大國王 | 其王名曰 | 摩訶羅陀 |
| 是王有子 | 能大布施 | 其子名曰 |
| 摩訶薩埵 | 復有二兄 | 長者名曰 |
| 大波那羅 | 次名大天 | 三人同遊 |
| 至一空山 | 見新產虎 | 飢窮無食 |
| 時勝大士 | 生大悲心 | 我今當捨 |
| 所重之身 | 此虎或爲 | 飢餓所逼 |
| 儻能還食 | 自所生子 | 即上高山 |
| 自投虎前 | 爲令虎子 | 得全性命 |
| 是時大地 | 及諸大山 | 皆悉震動 |
| 驚諸蟲獸 | 虎狼師子 | 四散馳走 |
| 世間皆闇 | 無有光明 | 是時二兄 |
| 故在竹林 | 心懷憂惱 | 愁苦涕泣 |
| 漸漸推求 | 遂至虎所 | 見虎虎子 |
| 血污其口 | 又見骸骨 | 髮毛爪齒 |
| 處處迸血 | 狼藉在地 | 時二王子 |
| 見是事已 | 心更悶絕 | 自墜於地 |
| 以灰塵土 | 自塗全身 | 忘失正念 |
| 生狂癡心 | 所將侍從 | 睹見是事 |
| 亦生悲慟 | 失聲號哭 | 互以冷水 |
| 共相噴灑 | 然後蘇息 | 而復得起 |
| 是時王子 | 當捨身時 | 正值後宮 |
| 妃后嫔女 | 眷屬五百 | 共相娛樂 |
| 王妃是時 | 兩乳汁出 | 一切肢節 |

痛如針刺
於是王妃
悲泣而言
憂愁盛火
俱時汁出
我見如是
見所愛子
願速遣人
在我懷抱
有鷹飛來
即生憂惱
願速遣人
說是語已
王聞是語
所愛子故
悉皆聚集
聲動天地
聞是聲已
今是王子
如是大士
今難可見
不久自當
悼惶如是
爾時大王
良久乃蘇
我子今者
念其子故
可惜我子
捨我終亡
而見如是
猶淨蓮華
將非是我
而殺汝耶
不圖一旦
破碎如塵
我所見夢
能堪是苦
二乳一時
失所愛子
三子之中
即告其妃

心生愁惱
疾至王所
大王今當
今來燒我
身體苦切
不祥瑞相
今以身命
求覓我子
其最小者
奪我而去
我今愁怖
推求我子
即時悶絕
復生憂惱
其王大臣
在王左右
爾時城內
驚愕而出
爲活來耶
常出軟語
已有諸人
得定消息
而復悲號
即從座起
還得正念
爲死活耶
倍復懊惱
形色端正
云何我身
諸苦煩事
誰壞汝身
昔日怨讎
我子面目
遇斯禍對
不令我子
已爲得報
如我所夢
汁自流出
夢三鴿雛
必定失一
我今當遣

似喪愛子
其聲微細
諦聽諦聽
我今二乳
如被針刺
恐更不復
奉上大王
夢三鴿雛
可適我心
夢是事已
恐命不濟
是時王妃
而復躡地
以不得見
及諸眷屬
哀哭悲號
所有人民
各相謂言
爲已死亡
爲眾所愛
入林推求
諸人爾時
哀動神祇
以水灑妃
微聲問王
爾時王妃
心無暫捨
如何一旦
不先薨沒
善子妙色
使令分離
挾本業緣
淨如滿月
寧使我身
喪失身命
直我無情
牙齒墮落
必定是我
鷹奪一去
爾時大王
大臣使者

周遍東西
莫大憂愁
即便嚴駕
憂苦所切
即出其城
無量諸人
是時大王
求覓其子
最後遙見
血污其衣
爾時大王
倍生懊惱
先所遣臣
作如是言
不久當至
復有臣來
身所著衣
一子已終
第三王子
恐還食子
發大誓願
證成菩提
虎飢所逼
已爲都盡
是時大王
失念躡地
諸臣眷屬
良久乃蘇
復有臣來
見二王子
迷悶失志
灑其身上
望見四方
尋復躡地
乍復讚歎
以離愛子
憂惱涕泣
我所愛重
其餘二子
之所焚燒
我宜速往

推求覓子
大王如是
出其宮殿
雖在大眾
覓所愛子
哀號動地
既出城已
煩惋心亂
有一信來
灰糞塗身
摩訶羅陀
舉首號叫
尋復來至
願王莫愁
令王得見
見王愁苦
垢膩塵污
二子雖存
見虎新產
見是虎已
當度眾生
即上高處
便起噉食
唯有骸骨
聞臣語已
憂愁盛火
亦復如是
復起舉首
而白王言
愁憂苦毒
自投於地
良久之頃
大火熾然
舉首悲哀
其弟功德
其心迷悶
並復思惟
無常大鬼
今雖存在
或能爲是
至彼林中

汝今且可
慰喻妃已
心生愁惱
顏貌憔悴
爾時亦有
尋從王後
四向顧望
靡知所在
頭蒙塵土
悲號而至
見是使已
仰天而哭
既至王所
諸子猶在
須臾之頃
顏貌憔悴
大王當知
哀悴無賴
飢窮七日
深生悲心
於未來世
投身虎前
一切血肉
狼藉在地
轉復悶絕
熾然其身
以水灑王
號天而哭
向於林中
悲號涕泣
臣即求水
及還蘇息
扶持暫起
號天而哭
是時大王
氣力惛然
是最小者
奄便吞食
而爲憂火
喪失命根
迎載諸子

| | | |
|------|------|------|
| 急還宮殿 | 其母在後 | 憂苦逼切 |
| 心肝分裂 | 或能失命 | 若見二子 |
| 慰喻其心 | 可使終保 | 餘年壽命 |
| 爾時大王 | 駕乘名象 | 與諸侍從 |
| 欲至彼林 | 即於中路 | 見其二子 |
| 號天扣地 | 稱弟名字 | 時王即前 |
| 抱持二子 | 悲號涕泣 | 隨路還宮 |
| 速令二子 | 覲見其母 | 佛告樹神 |
| 汝今當知 | 爾時王子 | 摩訶薩埵 |
| 捨身飼虎 | 今我身是 | 爾時大王 |
| 摩訶羅陀 | 於今父王 | 輸頭檀是 |
| 爾時王妃 | 今摩耶是 | 第一王子 |
| 今彌勒是 | 第二王子 | 今調達是 |
| 爾時虎者 | 今瞿夷是 | 時虎五子 |
| 今五比丘 | | |
| 爾時大王 | 摩訶羅陀 | 及其妃后 |
| 悲號涕泣 | 悉皆脫身 | 御服瓔珞 |
| 與諸大眾 | 往竹林中 | 收其舍利 |
| 即於此處 | 起七寶塔 | 是時王子 |
| 摩訶薩埵 | 臨捨命時 | 作是誓願 |
| 願我舍利 | 於未來世 | 過算數劫 |
| 常爲眾生 | 而作佛事 | |

說是經時。無量阿僧祇諸天及人。發阿耨多羅三藐三菩提心。樹神。是名禮塔往昔因緣。爾時佛神力故。是七寶塔即沒不現

金光明經讚佛品第十八

爾時無量百千萬億諸菩薩眾。從此世界至金寶蓋山王如來國土。到彼土已五體投地。爲佛作禮卻住一面。合掌向佛異口同音。而讚歎曰

| | | |
|------|------|------|
| 如來之身 | 金色微妙 | 其明照耀 |
| 如金山王 | 身淨柔軟 | 如金蓮華 |
| 無量妙相 | 以自莊嚴 | 隨形之好 |
| 光飾其體 | 淨絜無比 | 如紫金山 |
| 圓足無垢 | 如淨滿月 | 其音清徹 |
| 妙如梵聲 | 師子吼聲 | 大雷震聲 |
| 六十清淨 | 微妙音聲 | 迦陵頻伽 |
| 孔雀之聲 | 清淨無垢 | 威德具足 |
| 百福相好 | 莊嚴其身 | 光明遠照 |
| 無有齊限 | 智慧寂滅 | 無諸愛習 |

| | | |
|------|------|------|
| 世尊成就 | 無量功德 | 譬如大海 |
| 須彌寶山 | 爲諸眾生 | 生憐愍心 |
| 於未來世 | 能與快樂 | 如來所說 |
| 第一深義 | 能令眾生 | 寂滅安隱 |
| 能與眾生 | 無量快樂 | 能演無上 |
| 甘露妙法 | 能開無上 | 甘露法門 |
| 能入一切 | 無患窟宅 | 能令眾生 |
| 悉得解脫 | 度於三有 | 無量苦海 |
| 安住正道 | 無諸憂苦 | 如來世尊 |
| 功德智慧 | 大慈悲力 | 精進方便 |
| 如是無量 | 不可稱計 | 我等今者 |
| 不能說有 | 諸天世人 | 於無量劫 |
| 盡思度量 | 不能得知 | 如來所有 |
| 功德智慧 | 無量大海 | 一滴少分 |
| 我今略讚 | 如來功德 | 百千億分 |
| 不能宣一 | 若我功德 | 得聚集者 |
| 迴與眾生 | 證無上道 | |

爾時信相菩薩。即於此會從座而起。偏袒右肩右膝著地。合掌向佛而說讚言

| | | |
|------|------|------|
| 世尊百福 | 相好微妙 | 功德千數 |
| 莊嚴其身 | 色淨遠照 | 視之無厭 |
| 如日千光 | 彌滿虛空 | 光明熾盛 |
| 無量無邊 | 猶如無數 | 珍寶大聚 |
| 其明五色 | 青紅赤白 | 琉璃頗梨 |
| 如融真金 | 光明赫奕 | 通徹諸山 |
| 悉能遠照 | 無量佛土 | 能滅眾生 |
| 無量苦惱 | 又與眾生 | 上妙快樂 |
| 諸根清淨 | 微妙第一 | 眾生見者 |
| 無有厭足 | 髮紺柔軟 | 猶孔雀項 |
| 如諸蜂王 | 集在蓮華 | 清淨大悲 |
| 功德莊嚴 | 無量三昧 | 及以大慈 |
| 如是功德 | 悉以聚集 | 相好妙色 |
| 嚴飾其身 | 種種功德 | 助成菩提 |
| 如來悉能 | 調伏眾生 | 令心柔軟 |
| 受諸快樂 | 種種深妙 | 功德莊嚴 |
| 亦爲十方 | 諸佛所讚 | 其光遠照 |
| 遍於諸方 | 猶如日月 | 充滿虛空 |
| 功德成就 | 如須彌山 | 在在示現 |
| 於諸世界 | 齒白齊密 | 猶如珂雪 |
| 其德如日 | 處空明顯 | 眉間毫相 |

右旋宛轉
其色微妙

光明流出
如日處空

如琉璃珠

爾時道場菩提樹神。復說讚曰

南無清淨
隨順覺了
獨拔而出
本性清淨
希有希有
如須彌山
希有希有
時一現耳
釋迦牟尼
諸眾生故
善哉如來
善寂大城
入於諸佛
身皆空寂
如是一切
亦皆空寂
狂愚心故
樂見世尊
我常於地
欲見於佛
哀泣雨淚
欲見於佛
惟願世尊
以滅是火
願賜我身
一切人天
聲聞之身
如水中月
如來行處
甘露法處
如來行處
無能知者
一切緣覺
佛所行處
爾時世尊
而讚歎言

無上正覺
遠離一切
成佛正覺
希有希有
如來大海
希有希有
佛出於世
希有如來
爲人中日
宣說如是
諸根寂滅
無垢清淨
所行之處
兩足世尊
無量諸法
一切眾生
不能覺知
常作誓願
長跪合掌
我常修行
欲見於佛
爲是事故
賜我慈悲
世尊慈愍
常得見佛
是故我今
猶如虛空
眾生之性
淨如琉璃
能與眾生
微妙甚深
五通神仙
亦不能知
惟願慈悲
從三昧起
善哉善哉

甚深妙法
非法非道
知有非有
如來功德
希有希有
佛無邊行
如優曇華
無量大悲
爲欲利益
妙寶經典
而復遊入
甚深三昧
一切聲聞
行處亦空
推本性相
性相亦空
我常念佛
不離佛日
其心戀慕
最上大悲
我常渴仰
憂火熾然
清冷法水
悲心無量
世尊常護
渴仰欲見
焰幻響化
如夢所見
入於無上
無量快樂
一切眾生
及諸聲聞
我今不疑
爲我現身
以微妙音
樹神善女

汝於今日 快說是言 一切眾生
若聞此法 皆入甘露 無生法門

爾時諸大菩薩及道場菩提樹神與大辯天神及一切世間天人阿脩羅迦樓羅緊那羅摩[目*侯]羅伽等聞佛所說。皆大歡喜。信受奉行

金光明經卷第四